

Romanos

Pablo Romoca ošbuáchiyënga jacheuayama

¹ Atše Pablo, Jesucristbe oservená, quem tsbuanácha sèntsabiamná. Bëngbe Bëtsá šonjanchembo Jesucristbe ichmoná jtsemnama, y šonjanbocacá chabe tšabe noticiëngama entšanga chayábuayenama.

² Ya bayté entsemna, Bëngbe Bëtsá chabe juabna oyebuambnayëngaftaca chë tšabe noticiënga entšanga tojanašebuachená, y chënga chca tmojëftsanábema Bëngbe Bëtsabe uabemana palabrënguiñe. ³⁻⁴ Chë tšabe noticiëngna, chabe Uaquiñá Bëngbe Utabná Jesucristbiamá jtsóyebuambnayana. Entšá quetsomñecana, tojanonýná canýe rey Davidbentša entšábentšana; pero chabe espíritu sempre uamanáyecna, Bëngbe Bëtsá chabe obenánaca entšanga tojaninýanyé Jesucristo chabe Uaquiñá bétsemnama. Cha chca tojaninýanyé chë Uaquiñá cháuatayenama cha tojanma ora.

⁵ Chábeyeca, Bëngbe Bëtsá atše canýe bëts soyama šojanábuayana, Jesucristbe ichmoná jtsemnama, chabe soyëngama entšanga jábuayenama, y nyets luarënguenache Jesucristbeñe ošbuáchiyënga chamotsemnama, y chca, ntšamo cha yomandacá chënga chamotseyeunanama. ⁶⁻⁷ Tšëngaftángnaca chëngbeñe šmontsemna, tšëngaftanga chë Romoca šmoyenënga, ndëmuanýënga Bëngbe Bëtsá tcmojáchembo Jesucristbenga chašmotsemnama.

Atše tšëngaftangbiamá sëntsabiamná, tšëngaftanga Bëngbe Bëtsabe bonshánënga y chabe entsanga chašmotsemnama chémbonënga. Atše sëntsaimpadana Bëngbe Bëtsá Bëngbe Taitá y Bëngbe Utabná Jesucristo, chaboma tšëngaftangbeñe tšabe bendicionënga chaotsemnama, y chaboma tšëngaftanga ainaniñe tšabe ebionana chašmotsebonnama.

Pablo tša inaboše Roma bëts pueblöyë jama

⁸ Jabojátšamna, Bëngbe Bëtsá, Jesucristbiajana šcuatschuá, cada ona tšëngaftanguentsabiama, er nÿets quem luariñe entsanga tša monjesoyebuambná tšëngaftanga Jesucristbeñe bëtscá šmojtsošbuáchema. ⁹ Bëngbe Bëtsá, nda nÿets ainánaca sëndëserveda, tšabe noticiënga chabe Uaquiñabiamá abuayiynayiñe, endétatšëmbo atše nÿets tempo Bëngbe Bëtsáftaca stsencuénta ora, tšëngaftangbiamá sëndétseimpadanama; ¹⁰ y mora Bëngbe Bëtsá sëntseimpadana, nÿa mora y cha tojtsebošëse, chašolesenciá jama tšëngaftanga jautsëtsayama. ¹¹ Er atše tša sënjëseboše tšëngaftanga jányama, chca, atše chayobená jamama chë Uámana Espíritbentsána yóbocana tšabe soyënga tšëngaftanga chašmotsebonnama; y chca, tšëngaftanga ainaniñe bëts añemo chašmotsebonnama, y Jesucristbeñe corente chašmotsošbuáchema; ¹² o más tšabá jayanamna, tšëngaftanga y átšeftaca mochjenájabuache ainaniñe bëts añemo jtsebonnama, tšëngaftanga y átšnaca Jesucristbeñe tša imošbuachéyeca.

¹³ Y morna, Jesucristbeyeca catšátanga, sëntseboše tšëngaftanga chašmotsetátšëmbo

atše ba soye jama tijájuaboma, tšëngaftanga jautsëtsayama, pero mëntscoñama ndoñe tsjobenaye. Atše sëntseboše ndayá chayobená jamana ínÿenga tšëngaftangbioca Jesucristbeñe chamotsošbuáchema, ntšamo ínÿengbeñe ndoñe judiëngbeñe tonjopasacá. ¹⁴ Atše Jesucristbiana canÿe oservená sëndmëna, y chíyeca nÿetscángaftaca obligaciónaca sëntsemna, chë pueblënguiñe oyenëngaftaca y bën tjoye oyenëngaftaca, chë uatsjinÿenëngaftaca y ndoñe chcangaftácnaca. ¹⁵ Chíyeca atše tša sëntseboše tšëngaftanga chë Romoca šmoyenëgnaca chë tšabe noticiënga jábuayenama.

Chë tšabe noticiënga Bëngbe Bëtsabe obenana jtsinÿanÿnayana

¹⁶ Atše ndoñe quetsátëuatja chë tšabe noticiënga jtsabuayiynayama, er chë noticiënga jtsinÿanÿnayana Bëngbe Bëtsabe obenana; y chë obenánaca, nÿetscanga Jesucristbeñe ošbuáchiyënga jtsobenana atsebácanënga jtsemnama, natsana chë judiënga chca ošbuáchiyënga, pero chë ndoñe judiëngnaca. ¹⁷ Er chë tšabe noticiënga jtsinÿanÿnayana ntšamo Bëngbe Bëtsá inétsama entšanga chabe bominyiñe tšábenga chamotsemnama. Y entšanga chabe bominyiñe tšábenga jábiamana, chënga Jesucristbeñe tmojtsošbuáchema. Ntšamo Bëngbe Bëtsabe uabemana palabrënguiñe endayancá: “Nÿe ndabiana Bëngbe Bëtsá tojama chabe bominyiñe tšabia chaotsemnama, cha Bëngbe Bëtsábeñe betsošbuáchema, cha ndegombre chë

nÿetsca tescama yomna tšabe vida echántsebomna ca.”

Bëngbe Bëtsabe delante nÿetscanga culpa bomnënga mondmëna

¹⁸ Bëngbe Bëtsá celocana tojinÿanÿé, chë uabouana castigo, tša tbojetnama entsangbiana chaotsemnama, ainaniñe bacna juabnënga bomnëngbiana y chë bacna soyënga amëngbiana y ndëmuanÿengbiana, masque Bëngbe Bëtsabe ndegombre soyënga jtsotatsëmbñana, tša bacna soyënga tmojtsama causa, ndoñe ntjalesénciana cachënga jtsiyenama ntšamo ndegombre yomncá. ¹⁹ Bëngbe Bëtsá echanjácastigaye, er ntšamo entsanga imobencá Bëngbe Bëtsabiana jtsetatsëmbuama soye, chëngaftaca sempre endétsemna. Y chca endmëna, Bëngbe Bëtsá chë soye tojinÿanÿéyeca. ²⁰ Bëngbe Bëtsá quem luare tojanma orscana, entsanga mondetsobena botamana josértana, Bëngbe Bëtsabe obenana ndocna te yochjëftsopochócama y cha ndegombre Bëngbe Bëtsá yomnama. Chë soyënga Bëngbe Bëtsabiana entsanga quemuátobena jinÿana; nÿe jtsetatsëmbuamna aíñe. Entšanga mondobena chë soyënga Bëngbe Bëtsabiana jtsetatsëmbuana, cachá tojanma soyëngaca. Chcasna, chënga ndoñe quemátobena jayanana bacna soye tmojama, cha nduabuatma causa ca. ²¹ Chënga Bëngbe Bëtsabiana mondétatsëmbo, pero ndoñe ntsebošana chábioye jadórana, “aca ndegombre Bëngbe Bëtsá condmëna ca” jtsichámëse, ni cha ntsatschuanayana. Pero, ntšamo chënga tmojtsejuabnacá tondaye ntsámanana;

ndoservena juabnëngaca y bacna juabnëngaca montsiyena, y chca, chënga montsiyena, jtsamëse ntšamo cachëngbe juabnënga yomncá, mo ibetiñe cuaftsajncá. ²² Chënga jtsichámuana corente osertánënga imomna ca, pero ndegombrna juabna ndbomnënga mondmëna. ²³ Chënga ndoñe ntsadoránana Bëngbe Bëtsá, chë ndocna te yochjëftsobaná; chë cuenta, soyënga tmojobopormá mo entsangcá, y chëngna aíñe jóbanana; o soyënga shloftšëngcá o bayëngcá, o osjojnayëngcá, y chënga diosënga imomna ca jtsejuabnayëse jtsadoránana.

²⁴ Chiyeca, Bëngbe Bëtsá cachcá tojónya, cachëngbe ainaniñe puerte bacna juabnëngaca mandánënga chamotsiyenama, y chca, bacna soyëngnaca ínÿengaftaca imojtsama; chë soyëngamna jtsëuatjana chënga entsamna. ²⁵ Chënga chca jtsemnana, er ndoñe tmonjábošena Bëngbe Bëtsabe ndegombre soyënguiñe jtsošbuáchiyana, pero chë ndoñe ndegombre soyënguiñe cocayé jtsošbuáchiyana; chënga jtsadoránana y jtseservénana, Bëngbe Bëtsá quem luarentše tojama soyënga; pero ndoñe ntsadoránana, ni ntseservénana cach Bëngbe Bëtsá, chë nÿetsca chë soyënga tojanmá. Entšanga nÿets tempo cha chamotsatschuaná. Chca chaotsemna.

²⁶ Entšanga chca ndoñe tšabá tmonjámayeca, Bëngbe Bëtsá cachcá tojónya, chënga ínÿengaftaca bacna soyënga jtsamama chamotsebošama; chë soyëngamna jtsëuatjana chënga entsamna. Y chca, chë shembásengnaca tmojtsajbaná boyabásengaftaca jtsamana ntšamo tšabá yomncá, inÿe shembásengaftaca bacna soyënga

jtsamama. ²⁷ Cachcá, boyabásenga tmojtsajbaná shembásengaftaca jtsamana ntšamo tšabá yomncá; y tša imojtseboše inye boyabásengaftaca bacna soyënga jtsamama. Chënga chë inye boyabásengaftaca bacna soyënga imojtsama causa, entsamna jtsëuatjana, y chë soyëngama castigánënga mochántsemna, cachëngbe cuerpënguiñe jasúfriase, ntšamo chëngbe bacna soyëngama yojtsëmerencá.

²⁸ Chënga ndoñe tmonjábošena jtsiyenana jtsejuabnayëse, ntšamo entšanga Bëngbe Bëtsabiana imotatsëmbcá ndegombre bëtsemnama. Chíyeca Bëngbe Bëtsá cachcá tojónya, cachëngbe ndbémana juábnaca chamotsiyenama; y chca, chënga ba soyënga jtsamana, jamama ndoñe yontsamncá. ²⁹ Chënga nyetscna bacna soye jtsamana: ainaniñe nyetscna bacna juabna jtsebomnana, nye cachëngbiana bëtscá soyënga jtsebomnama tša jésebošana, y inyëngbioye ntšámnaca jáborlama jtsebošana; chënga nye játsbošana inya tojtsebomna soyënga jtsebomnama, inyënga jtsëbánayana. Mondmëna penzentserënga, inyënga áingñayënga, puerta bacna soyënga inyëngbiana bošënga, y uayátsenayënga. ³⁰ Chënga inyëngbiana podasca jtsóyebuambnayana, Bëngbe Bëtsá jtsáyayana, inyënga jtsóyanguayana, nye cachëngbe soyënga más iuámana ca jésejuabnayana, tša jtsenábotamnayana, jésejuabnayana ntšamo muanjobenaye más bacna soyënga jamana; chëngbe bëtsetsangbioye ndoñe ntsayaunanana. ³¹ Chënga ndoñe ntsebošana chë tšabe soyëngama chaósertama, tondayama palabra

ndbomnënga, ndocnábioye ntsebobonshánana y ndocnabiana ntjóngmiana. ³² Y chënga corente mondétatsëmbo chca soyënga amëngbiana, Bëngbe Bëtsá chabe leyiñe tojayana jóbanama yojtsëmerecena ca; pero masque chca, chënga nyets tempo chca jtsamana, y oyejuayënga jtsënyáyana ínÿenga cachcá tmojtsama ora.

2

Bëngbe Bëtsá echanjama chë ndoñe tšabe soye amënga bëts castigo chamotsebomnama

¹ Chcasna tšëngaftanga, chë ínÿenga ndoñe tšabá montsama ca šmojtsichámënga, ndoñe quešmátobena jayanana ndáyeca chca cach tšëngaftanga šmojama soyëngama. Tšëngaftanga chca ínÿengbiana šmojtsichamo ora, jtsinÿanÿnayana cach tšëngaftángnaca ndoñe tšabá šmonjamama, y castigánënga jtsemnama cmontsamna, er tšëngaftanga cachëngcá šmojtsiyena. ² Bënga mondétatsëmbo, Bëngbe Bëtsá ntšamo ndegombre yomncá inétsamama, chë chca amëngbiana ndoñe tšabá tmonjama ca y castigánënga jtsemnama yojtsamna ca cha tojayana ora. ³ Y tšëngaftanga, chë ínÿenga ndoñe tšabá montsama ca šmojtsichámënga, y cachca soyënga šmojtsama, ¿šmojatsjuabná Bëngbe Bëtsabe castigüentsana šmochjotsbocá ca? ⁴ Bëngbe Bëtsá tšëngaftangbiana corente tšabe juabna endbomna; mora ndoñe quecmátacastigaye, y tšëngaftangftacna puerte uantado nÿe chca endétsemna. ¿Chama tšëngaftanga cha šmojtsábotena? ¿Ndoñe šmondétatsëmbo

Bëngbe Bëtsá chca corente jtsababuánjeshanëse cmojtsénÿa, tšëngaftanga juabna chašmotrocama y chabe benache chašmuishachama cha yobóseyeca? ⁵ Er tšëngaftanga ndoñe quešmátsboše chacmotsësertánama, y bacna soyënga amama jtsajbanama ndoñe quešmátsboše causa, šmontsama más bëts castigo chašmotsebonnama, chë ndayté Bëngbe Bëtsá ntšamo entšanga tmojamcá tšabá o ndoñe tšabá bëtsemnama yochjayana ora; chë te, Bëngbe Bëtsá echanjamánda chë ndoñe tšabe soye amënga bëts castigo chamotsebonnama, y chë tšabe soye amëngna, uacanana soye; y chca echanjama ntšamo ndegombre yomncá, y echanjínÿanÿiye cha tša tbojetna, entšanga ndoñe tšabá tmonjamama. ⁶ Chca, chë te, ntšamo cada ona tojëftsemama, Bëngbe Bëtsábentsana echanjóyëngacñe. ⁷ Ndëmuanÿenga nÿets tempo tšabá jtsamëse imoyena, y chca imonguá Bëngbe Bëtsá más uámanënga chauabiamá, cha chëngbiamá tšabá chaotsoyebuambná y tšabe vida jtsebonnama chaoma; chë te chëngbiamá Bëngbe Bëtsá echanjama, chë nÿetsca tescama yomna tšabe vida chamotsebonnama. ⁸ Inÿenga imoyena, nÿe cachëngbe juabnéngaca cachënga tšabá jtsomñama; y ntšamo ndegombre tšabá yomncá tmojtsaboté, ntšamo ndoñe tšabá yomncá jtsamama. Y Bëngbe Bëtsá chë te, ndoñe tšabá tmonjëftsobuachjanguamna puerte etonaná echanjayana nÿetsca tescama castigánënga jtsemnana chënga yojtsamna ca. ⁹ Bëngbe Bëtsá echanjama, chca amëngna

puerte chamosufrima y lastemcá chëngbiam
 chaotsemnama, er yapa tsetšenana chëngbiam
 echanjëftsemna; chca echántsemna chë
 chcángbeñe judiënga imomnëngbiam natsana,
 y ndoñe judiëngbiámna. ¹⁰ Pero chë te,
 Bëngbe Bëtsá echanjama, ntšamo tšabá yomncá
 amëngna puerte uámanënga chamotsemnama,
 chëngbiam corente tšabá echanjóyebuambaye,
 y echanjama chënga cháftaca tšabá tempcá
 chamotsatsmënama; y chca echántsemna chë
 chcángbeñe judiënga imomnëngbiam natsana,
 pero ndoñe judiëngbiámna.

¹¹ Er Bëngbe Bëtsabiam nÿetscanga cachcá
 monduámana. ¹² Chë Moisesbe ley ndoñe
 monduábomnënga, bacna soye tmojamama
 castigo mochántsebmna, masque leyënga
 ndoñe tmonduábomnëse, ndayá yojtsamna
 jamama chaúyanama; y chë Moisesbe leyënga
 imuabomnëngbiamna, bacna soye tmojamama,
 Bëngbe Bëtsá echanjayana chënga ndoñe tšabá
 tmonjama ca y castigo chamotsebmna ca, chë
 leyënguiñe iuayana soyëngaca. ¹³ Chca endmëna,
 er Bëngbe Bëtsá ndoñe queonÿbatsma entšanga
 chabe bominÿiñe tšábenga chamotsemnama, nÿe
 ntšamo chë leyiñe iuayancá tmojtsuenanama,
 sinó ntšamo leyënguiñe iuayancá, ndayá jamama
 yojtsamncá tmojtsamëse. ¹⁴ Chë ndoñe judiënga
 chca leyënga ndoñe quematábomna, pero chëngbe
 ainanentša juabnënga tojtsëtsësná ndayánaca
 jamana, y ndayá chamotsamama ntšamo chë
 leyënguiñe tomandancá chënga tmojamëse, chënga
 jtsinÿanÿnayana tšabá imotátšëmbo ndayá aíñe o

ndoñe inétsamna jamama, masque leyenga ndoñe tmonduábomnëse, ndayá yojtsamna jamama chaúyanama. ¹⁵ Ntšamo tmojtsiyencá chënga jtsinÿanÿnayana, ndayá leyiñe yomandánama chënga ainaniñe cachcá imojuabnama. Ntšamo chënga ainaniñe imotátšëmbo y imojuabnacá ndayá cachënga tmojamama, jtsinÿanÿnayana chënga ntšamo chë leyiñe yomandánama cachcá imojuabnama. Inÿe ora, chëngbe juabnënga echantsétsétsnaye aínë o ndoñe tšabá tmonjama ca; y ndayté, Bëngbe Bëtsá nÿetscangbiamama ntšamo tmojamama yochjayana ora, cachëngbe ainaniñe tmojajuabó soyëngaca, cha echanjínÿanÿiye ndayá tšabá o ndoñe tšabá tmonjamama. ¹⁶ Chë te, Bëngbe Bëtsá nÿetscangbiamama echanjayana chëngbe juabnëngama y ntšamo tmojamama, ndayá entšanga tempo ndoñe tmonjáninÿama; cha chca echanjama Jesucrísoftaca; y chë atše sëndabuayiyiná tšabe noticiënga entsichamo ndegombre chca yochtsemnana.

Judiënga y Moisesbe ley

¹⁷ Y mora tšëngaftangbiamama, chë judiënga šmomna ca ichámënga, y tša šmojtsejuabná Moisesbe léyeca tšëngaftanga tšabe vida jtsebomnana, y jtsenábotamnayana Bëngbe Bëtsabe ubuáyana entšanga šmomna ca; ¹⁸ tšëngaftanga chë ntšamo Bëngbe Bëtsá yobošcá tšëngaftanga chašmotsamama tatšëmbënga, y chë leyentsana šmojuatsjinÿe jobocacayana ndayá más tšabá jamama tojtsemncá. ¹⁹ Tšëngaftanga tša jésejuabnayana, šmobena ínÿenga chë ntšamo tšëngaftanga cmësertancá ndosertánënga

jujabuáchama ca, mo jtanënga unachayënga
 cuaftsemnëngcá, o mo chë ndoñe binÿniñcá
 oyenëngbe juabnënga binÿnayëngcá;²⁰ tšëngaftanga
 jtsejuabnayana chë ntšamo tšabá yomncá
 ndosertánëngbiana abuayiynayënga šmomna ca,
 y mo chë basengcá tondaye nduatsjínÿenëngbiana
 abuátambayënga ca. Tšëngaftanga tša jésejuabnayana
 chë ley šmobomnama, lempe šmotátšëmbo ca y
 ntšamo šmojtsichamcá ndegombre yojtsemna
 ca. ²¹ Y chcasna, tšëngaftanga chë ínÿenga
 abuátambayënga, ¿ndáyeca ndoñe cach tšëngaftanga
 šmondëtsánatsana? Tšëngaftanga ínÿengbioye
 jtsabuayiynayana ndoñe chamondëtsatbëbanama;
 as, ¿ndáyeca cach tšëngaftanga šmnétsatbëbana?
²² Tšëngaftanga jtsichámuana, acbe shema o
 boyábioye ndoñe ínÿaftaca cattseíngñaye ca;
 as, ¿ndáyeca tšëngaftanga cachcá šmnétsama?
 Tšëngaftanga jtsáboyënjana soyënga chë ndayama
 ínÿenga tmojtsichamo diosënga yomna ca
 y jtsadórayana; as, ¿ndáyeca chë soyënga
 chënga jadórama yebnënguentsana uámana
 soyënga šmnétsatbëbana? ²³ Tšëngaftanga tša
 jtsenábotamnayana chë ley šmobomnama;
 as, ¿ndáyeca šmonÿbétsama ínÿenga Bëngbe
 Bëtsabiana podesca chamotsóyebuambnama,
 tšëngaftanga chë leyentša mandënga jobedésama
 ndocna te ntsebošana causa? ²⁴ Chama,
 Bëngbe Bëtsabe uabemana palabrénguiñe mëntšá
 endayana: “Tšëngaftanga judiëngbe causa, ndoñe
 judiëngbeñe Bëngbe Bëtsabiana ndoñe tšabá
 quematoyebuambná ca.”

²⁵ Tšëngaftanga ntšamo leyiñe yomandancá

šmojtsamëse, Bëngbe Bëtsábenga šmomnama jinÿanÿiyama, chë más delicadentse base bobachtema tëtšenënga jtsemnana tšabá nántsemna; pero ntšamo chiñe tomandancá ndoñe šmontsamëse, chca tëtšenënga jtsemnana, tondayama ntoservénana, y chca, tšëngaftanga jtsemnana mo chë más delicadentse base bobachtema ndëtëtšenëngcá. ²⁶ Y chë ndoñe judiënga chë más delicadentse base bobachtema tëtšenënga, judiëngcá ndoñe quemátsmëna; pero chënga ntšamo leyíñe yomandancá tmojtsamëse, ndegombre Bëngbe Bëtsá chënga echanjúbuaja mo cachabe entšangcá. ²⁷ Y chca, tšëngaftanga judiëngbiana Bëngbe Bëtsá echanjayana ndoñe tšabá šmonjama ca, ntšamo leyíñe yomandancá ndoñe šmontsama causa. Cha chca echanjama, er bëtscá ndoñe judiënga mondmëna y chënga ntšamo leyíñe yomandancá mondocumplina, pero chënga ndoñe quemátsmëna tšëngaftangcá tëtšenënga, jtsinÿnama Bëngbe Bëtsábenga šmomnama. Tšëngaftanga, masque Bëngbe Bëtsabe uabemana ley šmonduábomna y chë más delicadentse base bobachtema tëtšenënga šmondmëna, cabá ndoñe šmontsama ntšamo leyíñe iuayancá, ndayá jamama cmojtsamnana.

²⁸ Chcasna, nda chë más delicadentse base bobachtema tmojatëtse ora, chábioye chë soye ndoñe ntjábemana canÿe ndegombre judío. Y canÿe entšá ndoñe Bëngbe Bëtsábia ntsemnana nÿe ínÿenga chë más delicadentse base bobachtema tmojatëtšama. ²⁹ Y canÿe entšá ndegombre judío jtsemnana, ntšamo chabe ainaniñe

tomncá, cha Běngbe Bětsabe entšá yomnama tojtsinŷanŷnase. Y chca, canŷe ndegombre judío, Běngbe Bětsabe entšá yomnama chaotsinŷnamna ndoñe quenátsměna chě más delicadentše base bobachtema jtsetětšenana, sinó ntšamo Běngbe Bětsá tojamcá chabe ainaniñe chaotsebínŷnama. Běngbe Bětsabe Espíritu jamana entšá chca ainana chaotsebomnama, ndayá inétsinŷanŷnaye cha canŷe ndegombre judío yomnama; y chě uabemana ley ndoñe quenátobena chca jamana. Běngbe Bětsá endměna chě tšabe soye entšabiama ichamuá; entšanga ndoñe.

3

¹ Chcase, ndánaca šuatjatjaye, as ¿Běngbe Bětsabe entšá jtsemnama jěftsashjáchama, más tšabá yojtsemna canŷe judío jtsemnana ca? ¿Base bobachtema chě más delicadentše tětšená jtsemnana becá yojtsámama ca?

² Aíñe, chca jtsemnana corente enduámama y nŷetsca soyěnguiñe; natsana chjayana, Běngbe Bětsá, judiěnga chabe palabra tojanabanŷé, nŷetscangbiamama chamotsinŷenama. ³ Y morna, ¿ndayá yochjopása nderado judiěnguentše báseftanga ya ndoñe chca tmontsentšéněse? Y chě causa, ¿Běngbe Bětsánaca yochtsajbaná ntšamo tojašebuachenacá amana? ⁴ ¡Ndoñe, ndegombre ndoñe! Chca ndoñe cha queochatsma; tšěngaftanga šmondětatsěmbo Běngbe Bětsá sempre endbětsama ndayá jamama tojašebuachenacá, masque nŷetsca entšanga bosterěnga chamotsomñe. Er Běngbe Bětsabe uabemana palabrenguiñe Běngbe Bětsabiama měntšá endayana:

Aca ntšamo chacojayana ora, nyetscanga mochanjinýe aca ntšamo ndegombre yomncá cnétsamama;

y chacojtsenëuyaná ora, sempre cochanjínýanýiye acbe contra tmojtsoyebuambnángbioye, chënga ndoñe tšabá montsamama ca.

⁵ Pero bënga ndoñe tšabe soye montsama ca báseftanga tmojayana ora, Bëngbe Bëtsá sempre tšabá inétsamama entšanga más tšabá jinýama tmojtsobenëse, ¿ntšamo bënga mochjayana? ¿Bënga imojtsobena jayanana Bëngbe Bëtsá ndoñe tšabá tonjama ca, bëngbiana castigo chaotsemna ca cha tojayana ora? (Morna atše sëntsoyebuambná ntšamo entšanga jóyebuambayama monduamancá.) ⁶ ¡Ndoñe, ndegombre ndoñe! Ndoñe quemuátobena chca jayanama. Bëngbe Bëtsá nyets tempo ntšamo ndegombre yomncá ndoñe tontsamëse, ndegombre cha ndoñe nanjobenaye jayanama nyetsca quem luarentša entšangbiana, ntšamo tmojamcá tšabá o ndoñe tšabá bétsemnama.

⁷ Nderado nda tojayana: “Atše ndaye bacna soye stjama y ndoñe ntšamo ndegombre yomncá tojtsemna, y chë soye tojoservé Bëngbe Bëtsá puerte uamaná y bëtsá yomnama jinýanýiyama, y Bëngbe Bëtsá sempre ntšamo ndegombre yomncá tojtsamama jinýama entšanga tmojtsobenëse, ¿ndáyeca Bëngbe Bëtsá cabá iuichamo ntšamo atše tijamcá ndoñe tšabá yontsemna ca y atše canýe bacna soye amá stsemna ca?” ⁸ Y chcase, ndánaca mëntšá nanjátayana: “Ntšamo ndoñe tšabá yondmëncá mochjama, chca, entšanga chámuinýe Bëngbe Bëtsá puerte tšabia yomnama

ca.” Ndegombre, atše mal jaquédama báseftanga tmojayana atše chca stsabuatambá ca; Bëngbe Bëtsá chca abuatambayënga echanjácastigaye, ntšamo castigánënga jtsemnana imomerecencá.

Ntšamo entšá tojtsamama, Bëngbe Bëtsabe bominiyiñe ndocná tšabia ntsemnana

⁹ Y asna, ¿Bëngbe Bëtsá bënga judiënga ínÿengbiama más tšabá šonÿa? ¡Ndoñe, ndegombre ndoñe! Atše ya sënjinÿinÿé judiënga y ndoñe judiëngnaca, chë bacna soyënga jamama juabnëngaca mandánënga imomnana. ¹⁰ Er Bëngbe Bëtsabe uabemana palabrenguiñe mëntšá endayana:

Ntšamo entšá tojtsamama, ndocná Bëngbe Bëtsabe bominiyiñe tšabia quenátsmëna.

¡Ndoñe, ndegombre ndoñe, ni mo canÿa chca quenátsmëna!

¹¹ Ndocná quenátsmëna ntšamo ndegombre yomncá chabotsosertánama;

¡Ndocná quenátsmëna nda chaotseboše Bëngbe Bëtsáftaca jtsemnana!

¹² Nÿetscanga ndoñe tšabe benache tmojishache y chiñe montsajna.

Chënga nÿetscanga Bëngbe Bëtsabe bominiyiñe tondayama quemátoserverna.

Ndocná quenátsmëna ntšamo tšabá yomncá chaotsamama, ¡ni canÿa ndoñe!

¹³ Ntšamo tmojtsichamcá puerte bëts bacna soye jtsemnana, mo canÿe obanabe cuevëshe atëfjnëshe puerte bacá tojtsonguëtsecá.

Chënga tmojtsoyebuambná soyëngaca ínÿengbioye jtsaíngñayana.

Chë tmojtsichamo soyëngaca puerte bacna soye ínÿengbiana jtsamana, mo canÿe mëtscuaye tbojtseftëtse orcá, chë veneno canÿe entšábioye jóbana.

14 Chënga, nÿets tempo ínÿengbiana podesca jtsichámuana, y sempre jtsóyebuambnayana chë ínÿenga ntšámnaca jáborlama.

15 Sempre jtseprontánana ínÿengbioye ntšámnaca jáborlama y jobáyama.

16 Chënga sempre jtsiyenana ínÿenga chamotsesufrínama jtsamëse, y nÿe ntšámnaca jtsaborlánana.

17 Chënga ndocna te tondaye ntjamana nÿetscanga natjëmbana chamotsiyenama;

18 Chënga ndoñe ntsiyenana Bëngbe Bëtsabiana jtsejuabnayëse, cha chë más bëtsá nÿetscangbiana yomnama ca —chiñe endayana.

19 Er bënga mondétatšëmbo, lempe ntšamo leyiñe iuabemancá, chë leyëngaca mandánënga imoyenëngbiana yomnama. Chcasna, chë ley endmëna, Bëngbe Bëtsabe delante ndocná chaondobená jayanama, cha ndoñe tšabá tonjama, chama ndoñe yonjátatšëmbo causa ca; y endmëna jinÿanÿiyama, ntšamo tmojamcá tšabá o ndoñe tšabá bëtsemnama Bëngbe Bëtsá nÿetscangbiana yochjayana ora, nÿetscanga yojtsamna chabe delante jayanama, ndáyeca ntšamo tšabá yomncá ndoñe tmonjama ca. ²⁰ Er, Bëngbe Bëtsá ndoñe queochatsma ndocná chabe bominiñe tšabia chaotsemna, ntšamo leyiñe yomandancá cha tojamama; chë ley bëngbiana

jamana, n̄ye b̄enga bacna soye tmojamama chamotsetatš̄embuama.

Ntšamo B̄engbe B̄etsá inama entšanga chabe bominyiñe tšábenga chamotsemnana

²¹ Pero mora, B̄engbe B̄etsá tonjin̄yan̄yé ntšamo cha inama entšanga tšábenga chabe bominyiñe chamotsemnana; y B̄engbe B̄etsá ndoñe ntjamana can̄ya chabe bominyiñe tšabia chaotsemnana, ntšamo ibomncá cha tojtsamama, ntšamo ch̄e leȳenguiñe y mand̄enguiñe yomncá. Pero masque mora chca, B̄engbe B̄etsá tonjin̄yan̄yé, Moisesbe leyiñe y B̄engbe B̄etsabe juabna oyebuambnaȳengbe libr̄éšangañe yopodena jin̄yenana chca yochtsemnana. ²² B̄engbe B̄etsá jamana entšanga chabe bominyiñe tšábenga chamotsemnana, ch̄enga Jesucrístbeñe tmojtsošbuáchema. B̄engbe B̄etsá n̄yetscanga Crístbeñe ošbuáchiȳengbiana chca jamana, y chabiana n̄yetscanga cachcá monduámama; ²³ er n̄yetscanga bacna soye tmojama, y ch̄e causa, ndocna entšá tonjobená jashjáchana ndocna bacna soye ndbomná jtsemnana y puerte b̄etsá jtsemnana, ntšamo B̄engbe B̄etsá tojanjuabocá entšanga chamotsemnana. ²⁴ Pero B̄engbe B̄etsá ch̄engbiana corente tšabe juabna bóm̄nayeca, mo ndayá cuafjatšatacá, cha jamana ch̄enga chabe bominyiñe tšábenga chamotsemnana. B̄engbe B̄etsá chca tojanma, Cristo Jesúsbeyeca, entšanga atsebácan̄enga chamotsemnana y ya ndoñe más bacna soȳenga jamama juabn̄engaca mandán̄enga chamond̄étsemnana cha tojanma ora. ²⁵ B̄engbe B̄etsá cha tbojanábuayana, chabe

buiñe juabuáshanëse y jóbanëse, cha chaotsemna ndábeyeca Bëngbe Bëtsá entšanga bacna soyëngama jáperdonama; Jesucristbeñe jtsošbuáchiyëse entšanga jobenayana perdonánënga jtsemnama. Bëngbe Bëtsá chca tojanma, jinÿanÿiyama cha inétsama entšanga tšábenga chabe bominÿiñe chamotsemnama, chë entšanga bacna soyënga tmojanmama chë tempo ntjatonyáycá, er cha chë tempo corente uantado chëngaftaca yojtsemna y chëngbe bacna soyëngama ndoñe yonjánacastigaye. ²⁶ Cha lempe chca tojanma, jinÿanÿiyama cha sempre ntšamo ndegombre yomncá inétsamama, y nÿetscanga Jesucristbeñe ošbuáchiyënga chabe bominÿiñe tšábenga chamotsemnama inétsamama.

²⁷ Chcáyeca, entšá ndoñe ntsobenana tondayama ntsenábotamnayana. Chca endmëna, er Bëngbe Bëtsá tšabia chabe bominÿiñe jabemana, ndoñe ntšamo leyiñe tomandancá cha tojtsamama, sinó nÿe Jesucristbeñe tojtsošbuáchema. ²⁸ Y chca jayanëse, mora bënga tšabá montsetátšëmbo, Bëngbe Bëtsá inétsama canÿe entšá tšabia chabe bominÿiñe chaotsemnama, nÿe Jesucristbeñe tojtsošbuáchema, y ndoñe ntšamo leyiñe yomandancá cha tojtsamama.

²⁹ ¿O Bëngbe Bëtsá nÿe judiëngbe Bëtsá yomna? ¿Ndoñe judiëngbe Bëtsánaca cha ndoñe yondmëna? Aíñe, chëngbe Bëtsánaca cha endmëna; ³⁰ er nÿe canÿe Bëtsá nÿetscangbiama endmëna, y cha echanjama chë más delicadentse base bobachtema tétšenënga imomnëngbiama y ndoñe chcangbiámnaca, chabe bominÿiñe tšábenga chamotsemnama, Jesucristbeñe

tmojtsošbuáchema. ³¹ Chcasna, Běngbe Bětsá jamana entšanga chabe bominyiñe tšábenga chamotsemnama, Jesucristbeñe tmojtsošbuáchema; ¿chca yojtsayana chë ley nýe tondayama yondoservena ca? ¡Ndoñe, ndegombre ndoñe! Inýetšá, chca jamana chë ley más chaotsámanama.

4

Ntšamo Abrahánoftaca tojanopasá

¹ Morna Abrahambiana mochjóyebuambaye, běngbe tempsca běts taitá, y mochjinýe ndayá tojánatsjinýe Běngbe Bětsábeñe ošbuáchiyana bomnentsana. ² Abraham chabe bominyiñe tšabia chaotsemnama, ndayá cha tojanmama Běngbe Bětsá matějanmese, cha matějanobená entšángbeñe ndayama jtsenábotamnayana, pero Běngbe Bětsabe delante ndoñe; ³ er Běngbe Bětsabe uabemana palabrěnguiñe měntšá endayana: “Abraham, Běngbe Bětsábeñe yojtsošbuáchiye, y chíyeca Běngbe Bětsá tonjánayana cha chabe bominyiñe tšabia yojamna ca.”

⁴ Canýe entšá trabajayá, crocénana josháchiñana ndayá tojamama, pero chë crocénana ndoñe nýe tšetánana ntsemnana, sinó chana jtsemnana ntšamo cha tojtsomerecencá. ⁵ Er menójuabonga, nda tondaye tontsama Běngbe Bětsá cháuyanama cha chabe bominyiñe tšabia yomna ca, pero aíñe tojtsošbuaché Běngbe Bětsábeñe, nda endbáyana chë bacna soye tmojaměnga mora mo ndoñe chca cuafjamcá chamotsemna ca, chabiana Běngbe Bětsá echanjama chabe bominyiñe

tšabia chaotsemnama, chabe ošbuáchiyama.
⁶ Rey David cachcá chabe librěšaňe tojánayana, chě ndabiamama Běngbe Bětsá jayanana chabe bominýiňe tšabia chaotsemna ca, masque chabiamama chca cháuyanama tondaye tonjaměse. David chca entšabiamama tojánayana, cha puerte echantsoyejuaye ca. ⁷ Chabe librěšaňe měntšá tojanábema:

¡Tša oyejuayěnga jtsemnana chě Běngbe Bětsá chěngbe bacna soyěnga tojáperdonanga, chě Běngbe Bětsá chěngbe bacna soyěnga tojabuajuánanga!

⁸ ¡Puerte oyejuayá jtsemnana chě Běngbe Bětsá mo ndoňe bacna soye cuafjama cuenta tbojtsonyá cha ca!

⁹ ¿David tojánayana nýe chě más delicadentše base bobachtema tětšeněnga imomněngbiamama oyejuayana yomna ca? Ndoňe; ndoňe chca mondměněngbiámna. Y muentše tmonjayana, Abraham Běngbe Bětsábeňe yojtsošbuachéyeca, Běngbe Bětsá tojánayana cha chabe bominýiňe tšabia yojamna ca. ¹⁰ Y ¿ntseco chca tojanopasá? ¿Abraham ya chě más delicadentše base bobachtema tětšená yojtsemna ora, o cabá ndoňe chca yontsemna ora? Ndegombre, Abraham cabá ndoňe chca tětšená yontsemna ora. ¹¹ Y cabá chentšana, Abraham base bobachtema chě más delicadentše tětšená yojtsemna; y chca yojamna jinýanýiyama, Běngbe Bětsá tempo ya chabiamama tojánayana cha chabe bominýiňe tšabia yojamna ca, cha Běngbe Bětsábeňe yojtsošbuáchema. Lempe chca tojanopasá, jinýanýiyama Abraham mo taitacá

yomnama Bëngbe Bëtsábeñe imošbuachéngbiana, masque ndoñe base bobachtema chë más delicadentše tëtšenënga mondmëna. Y cachcá Bëngbe Bëtsá chë ošbuáchiyëngbiana tojánayana, chënga chabe bominyiñe tšábenga imomna ca. ¹² Y Abrahámnaca endmëna mo chë taitacá, chë más delicadentše base bobachtema tëtšenënga imomnëngbiana, pero aiñe Bëngbe Bëtsábeñe corente jtsošbuáchiyëse imoyenëngbiana, cachcá ntšamo bëngbe bëts taitá Abraham Bëngbe Bëtsábeñe yojtsošbuachecá. Y cha cabá chë más delicadentše base bobachtema ntsetëtšena ora, ya chca yojtsošbuáchiye.

Jtsošbuáchiyëse, ntšamo Bëngbe Bëtsá tojanašebuachenacá jóshjanguana

¹³ Bëngbe Bëtsá tojanašebuachená Abraham-biana y chábensana entšangbiana, quem luare chëngbiana yochjëftsemna ca. Y chca tojanašebuachená, ndoñe Abraham ntšamo leyiñe yomandancá betsobedecénama, sinó cha Bëngbe Bëtsábeñe yojtsanošbuáchema, y chíyeca Bëngbe Bëtsá tojánayana cha chabe bominyiñe tšabia yojamna ca. ¹⁴ Pero, ntšamo Bëngbe Bëtsá tojanašebuachenacá, bënga ntšamo chë leyiñe yomandancá tmojtsamëngbiana yojtsemna ca tmojayanëse, Bëngbe Bëtsábeñe jtsošbuáchiyana tondayama nantsošservena, y ntšamo Bëngbe Bëtsá tojanašebuachenacá tondaye ntsámanana. ¹⁵ Chë ley juabocnana, Bëngbe Bëtsá puerte etonaná entšanga cháúacastigama, chënga ntšamo chiñe iuayancá ndoñe tmontsamama; pero ndocna

mandënga tontsemnëse, ndocná ntobenana chë ndoñe tontsayancá ndoñe ntjamana.

¹⁶ Y chca, Bëngbe Bëtsá Abrahámbioye tbojansbuachená, cha yojtsanošbuachéyeca, ntšamo Bëngbe Bëtsá tojanašebuachenacá, ndegombre chaotsemnama chë Bëngbe Bëtsábeñe imošbuáchema mo Abrahábentšana entšangcá imomnëngbiana; y Bëngbe Bëtsá chca tojanašebuachená, cha chëngbe tšabiama iuantjéšnyeca. Chë mo Abrahábentšana entšangcá imomnëngbeñe, ndoñe quemnatsmëna nÿe chë ntšamo ley yomandacá imnétsamënga, sinó nÿetscanga chë ntšamo Abraham tojanošbuachecá Bëngbe Bëtsábeñe imošbuachéngnaca. Y Abraham nÿetscanga bëngbiana, Bëngbe Bëtsábeñe ošbuáchiyënga, mo taitacá endmëna. ¹⁷ Ntšamo Bëngbe Bëtsabe uabemana palabrënguiñe endayancá, Bëngbe Bëtsá Abrahámbioye ibojtsatsëtsnaye ora: “Atše sënjama aca ba luariñe entšangbiana atšbe bominyiñe taitá chacotsemnama ca.” Chë ntšamo tojanašebuachenacá ndegombre tšabe soye endmëna, er Bëngbe Bëtsá chca Abrahambiana yojanjuabná; y Bëngbe Bëtsá endmëna ndábeñe Abraham yojtsanošbuaché, y nda inétsama entšanga chámuatayenama, y nda inamánda y entšanga jobenayana jinÿama ndayá ndocna te tmonjaninÿcá.

¹⁸ Abraham Bëngbe Bëtsábeñe yojtsošbuáchiye y yojtsobatmana ntšamo tbojansbuachenacá chaotsemnama, masque entšabe juabniñe ndoñe chca ntjátsjuabnayana; y chca, cabana cha tojánashjache jtsemnana “ba luariñe entšangbe

taitá”, ntšamo Bëngbe Bëtsá tbojaniyancá: “Acbentsana entsanga tša mallajta mochántsemna, ndocná queochatobenaye jacúntana ca”.
¹⁹ Abraham yojanobatmanëntscuana, cha puerte chábeñe yojtsanošbuaché, ntšamo tbojanšbuachenacá jójyëngacñama, masque Abraham yojtsonyaye ya bëtsanánějema yojtsemnama, er ya mo patse uata yojtsebomna, y chabe shema, Sara, ndoñe yonjobena šešonga jtsabamnama. ²⁰ Abraham ndocna te tonjanajbaná Bëngbe Bëtsábeñe ošbuáchiyana, y ni mo canye ndoñe yonjanjuaboye chë ntšamo Bëngbe Bëtsá tbojanšbuachenacá ndoñe joparéjana ca; sinó más corente chábeñe yojtsanošbuaché, y chca Bëngbe Bëtsábioye ibojtsatschuanaye, ²¹ er cha tšabá inatátšëmbo, ntšamo tbojanšbuachenacá jamama, ndegombre Bëngbe Bëtsá obená inamnama. ²² Chíyeca, Bëngbe Bëtsá tojánayana cha chabe bominyiñe tšabia yojamna ca.

²³ Pero, chabe bominyiñe tšabia yojamna ca Bëngbe Bëtsá tojánayana ora, ndoñe nye Abrahamiama chca ntsóyebuambnayana; ²⁴ ndayá bëngbiámnaca, ndëmuanyëngbiama Bëngbe Bëtsá yochjayana chabe bominyiñe tšábenga imomna ca, bënga Bëngbe Bëtsábeñe imošbuachéyeca; Bëngbe Bëtsá, nda tojanma Bëngbe Utabná Jesús cháuatayenama. ²⁵ Bëngbe Bëtsá tojanalesenciá entsanga Jesús chamóbama, bënga bacna soyënga tmojanma causa, y Bëngbe Bëtsá tojanma cha cháuatayenama. Bëngbe Bëtsá chca tojanma jobenayama, bënga chabe bominyiñe tšábenga

jábiamama.

5

Mora bēnga Bēngbe Bētsábe bominyiñe tsábenga montsemna

¹ Er Bēngbe Bētsá tojama bēnga chabe bominyiñe tsábenga chamotsemnama, bēnga chábeñe imošbuachéyeca; mora tempcá tsabá Bēngbe Bētsáftaca bēnga montsatsmēna, Bēngbe Utabná Jesucristbeyeca. ² Bēnga Crístbeñe mondošbuáchema, cha tojama bēnga chamotsetatšēmbuama Bēngbe Bētsá tša tsabia yomnama, y Bēngbe Bētsábiocana tsabe soyēnga jtsebomñese mora chamotsiyenama. Bēnga tša oyejuayēnga jēsemnana, er Bēngbe Bētsábeñe jtsošbuáchiyēse mondobátmana cha puerte uámanēnga y bētsétsanga šochjábiamama, batsá ntšamo cachá yomncá. ³ Y ndoñe nye chama bēnga oyejuayēnga jēsemnana, ndayá bēnga tmojtseufrina y padecena soyēnguiñe tmojtsajna órnaca. Chca mondbama, er bēnga mondétatšēmbo bēnga tmojtseufrina orna, bēnga juatsjínýana ntšamo uantadēnga jtsemnama padecena soyēnguiñe tmojtsemna ora, Bēngbe Bētsábeñe jtsošbuáchiyēse. ⁴ Bēnga padecena soyēnguiñe tmojtsemna ora, más tsabá uantadēnga jtsemnama mondobénayeca, Bēngbe Bētsá oyejuayá bēngaftaca jtsemnana, padecena soyēnguentšana ndegombre tsabá tmojachnēngo ora. Bēngbe Bētsá oyejuayá bēngaftaca chaotsemnama bēnga tmojama ora, bēnga jtsobenana más jtsobátmanana, ntšamo šojašebuachenacá cha yochjamama. ⁵ Bēnga

chca tmojt sobátmanëse, ndocna te nÿe bonamente quemochatobátmana, er Bëngbe Bëtsá šojinÿanyé tša bëts cá cha šuababuánÿeshanama. Bëngbe Bëtsá chca tojama chë Uámana Espíritbeyeca, y cha endmëna nda Bëngbe Bëtsá tbojanichmó bëngbe ainaniñe chaotsemnana jtsemándayama.

⁶ Tempo bënga tondaye chemuatanobená jamana Bëngbe Bëtsabe bominiñe tšábenga jtsemnana, y chora Cristo tojanóbana bënga chë bacna soyënga tmojamëngbe tšabiama, nÿa chama tempo yojamna ora. ⁷ Ndoñe paselo quenátsmëna jajuaboyana, ndáyeca canÿa nantseprontana jóbanama canÿa ntšamo chë leyinÿe yomandancá jamama tojtsamanabiama; pero, canÿa bëts cá jtšababuánÿeshanëse tšabe soyënga ínÿengbiama tojtsamabiama, nderádose chabiama jóbanama cuantseprontana. ⁸ Pero Bëngbe Bëtsá bënga šojanÿanyé tša šuababuánÿeshanama, er bënga cabá bacna soyënga ntsamcá imojoyena ora, Cristo bëngbiama tojanóbana.

⁹ Cristo, chabe buinÿe juabuáshanëse bëngbiama tojanóbanayeca, Bëngbe Bëtsá tojanma bënga chabe bominiñe tšábenga jtsemnana. Y chca endmënayeca, ndegombre Cristo šochanjátsebacaye, entšanga ndoñe tšabá tmonjama ca y castigo chëngbiama chaotsemna ca Bëngbe Bëtsá chaojayana ora. ¹⁰ Bënga tempo Bëngbe Bëtsá imojanáya; pero cha tojanma bënga cháftaca tempcá tšabá chamotsatsmënama, chabe Uaquiñá tojanóbanayeca. Y mora, bënga natjëmbana cháftaca chamotsemnana ya tojama ora, ndegombre atsebácanënga mochántsemna,

chabe Uaquiñá ainá yómnayeca. ¹¹ Y ndoñe n̄ye chca, ndayá bēnga cháftaca puerte oyejuayēnga chamotsemnám̄naca Bēngbe Bētsá jamana, ndayá Bēngbe Utabná Jesucristo bēngbiama tojánmayeca. Y mora, chábeyeca Bēngbe Bētsá tojama bēnga cháftaca tempcá tšabá chamotsatsmēnama.

Adán y Cristo

¹² Can̄ye entšá bacna soye tojanma causa, n̄yetsca entšanga bacna soyēnga amēnga tmojábcana; y cha tojanóbana, bacna soyēnga tojanma causa. Y chca, n̄yetsca entšanga entsamna jóbanama, er n̄yetscanga bacna soyēnga tmojama. ¹³ Bēngbe Bētsá Moisésbioye chē leyēnga cabá nduántšaboshjona ora, entšanga quem luarentše bacna soyēnga tmojanma. Pero ndocna ley tontsemna ora, Bēngbe Bētsá ndoñe ntjaton̄yayana entšanga bacna soyēnga tmojamama. ¹⁴ N̄yetsca entšanga, Adánbentsana Moisésbentscoñe, n̄yetscanga yojánamna jóbanama, ntšamo cach Adán tojanmcá ndoñe tmonjanmēngnaca, ntšamo cha ndoñe chaondēmama Bēngbe Bētsá tbojanmandacá cha tojanma ora. Y Adánbeñe entšanga mondobena jin̄yama, ntšamo chē jabama ibojamná can̄ye soyēnguiñe yochtsanmēna.

¹⁵ Pero ntšamo chē útata tbojanmcá ndoñe cachca soye quenátsmēna; er Bēngbe Bētsá entšangbe tšabiama jtsejuabnayēse tšabe soyēnga chēngbiama tojanma ora, ndoñe yonjamna mo ntšamo Bēngbe Bētsá tbojanmandacá ndoñe chaondēmama Adán tojanma orcá. Tšēngaftanga šmondétatšēmo, n̄ye can̄ye entšá can̄ye bacna

soye tojanma causa, cha tojanma nyetsca entšanga jóbanama chaotsamnana, pero Bëngbe Bëtsá entšangbe tšabiana yojuabnáyeca, más bëts soyënga jamana, chë Adanbe bacna soye entšangbiana bacna soyënga tojanmama. Chca, Bëngbe Bëtsá tojanma ba entšanga bëtscá tšabe soyënga chamotsebomnana; y chca tojama, nyë canyë entšá, Jesucristo, tšabe soyënga tojánmayeca. ¹⁶ Chë ba entšanga bëtscá tšabe soyënga chamotsebomnana Bëngbe Bëtsá tojamentšana endóbocana soye, puerte inyetsá comna, chë entšá Adán, canyë bacna soye tojanmentšana tojanóbocna soyama. Adán bacna soye tojanmentšana, Bëngbe Bëtsá tojánayana chana bacna soye tojanma y castigo jtsebomnana ibojtsemna ca, y nyetsca entšángnaca chë causa; pero masque nyetscanga bacna soyënga tmojama, Bëngbe Bëtsá entšangbe tšabiana ndoñe bëndëtsebnatjëmbayeyeca, tojanma entšanga chabe bominyiñe tšábenga chamotsemnana y chë bacna soyëngama castigánënga ndoñe chamondëtsemnana. ¹⁷ Ndegombre endmëna, canyë entšá bacna soye tojanma causa, nyetsca entšanga jóbanama yojtsamna. Pero puerte más, canyë entšá Jesucristo tojanma. Ndëmuanyëngbiana Bëngbe Bëtsá tojama bëtscá tšabe soyënga chamotsebomnana, ndëmuanyëngbiana Bëngbe Bëtsá tojama chabe bominyiñe tšábenga chamotsemnana, y Bëngbe Bëtsábiocana chca tmojóyëngacñënga, chënga nyetscanga mochantsiyena bacna soyënga jtseyëñjanayëse y nyetsca tescama mo

bëtsëtsangcá; y chca echántsemna ndayá Cristo tojánmayeca.

18 Y chca, ntšamo canye entsá, Adán, canye bacna soye tojanmama, Bëngbe Bëtsá tojánayana nyetscanga bacna soye tmojanma y castigánënga chamotsemna ca; cachcá ntšamo canye entsá, Cristo, puerte tšabe soye tojánmayeca, Bëngbe Bëtsá jayanana nyetscanga imojtsobena chabe bominyiñe tšábenga jtsemnama y chë nyetsca tescama yomna tšabe vida jtsebomnama ca.

19 Y ntšamo Bëngbe Bëtsá tbojanmandacá ndoñe chaondëmama canye entsá tojanma causa, nyetsca entsanga bacna soye amënga tmojanobiama; cachcá, ntšamo Bëngbe Bëtsá tbojanmandacá canye entsá, Jesucristo, tojánmayeca, Bëngbe Bëtsá tojanma bëtscá entsanga chabe bominyiñe tšábenga chamotsemnama.

20 Chë ley entsangbe cucuatšinë tmojanáboshjona, jinyanñiyama ntšamo ndegombre yomna bacna soyënga jtsamana; pero entsanga más bacna soyënga imojtsama ora, Bëngbe Bëtsá cabá más chëngbe tšabiama yojtsanjuabnaye y más tšabe soyënga chëngbiama yojtsama.

21 Chcasna, mora mochjayana, entsanga bacna soyëngaca puerte mandánënga imojamna, y chca, nyetscanga jóbanama yojamna ca. Pero mora, ya ndoñe chca quenátsmëna, er Bëngbe Bëtsá tojama entsanga chabe bominyiñe tšábenga chamotsemnama, Bëngbe Utabná Jesucristbeyeca chë nyetsca tescama yomna tšabe vida chamotsebomnama; chíyeca mora bënga montsobena jtsiyenama, Bëngbe Bëtsá šojatšatá

tšabe soyënga lempe bëngaftaca jtsemnëse.

6

Crístbeyeca bënga tšabe vida jtsebomnana

¹ Y asna, ¿ntšamo mochjayana? ¿Šojtsamna jtsiyenana sempre bacna soyënga jtsamëse, chca, Bëngbe Bëtsá šuababuánjeshanama más chašotsinÿanÿnama, cha más bacna soyënga bënga jtsaperdónayëse? ² ¡Ndoñe, ndegombre ndoñe! Tempo bënga monjaniyena bacna soyënga jamama juabnëngaca mandánënga, pero mora bënga montsobena jtsiyenana chë juabnënga tondaye bëngbioye ntsamcá, y chca, bënga montsobena mo obanëngcá chë soyëngama jtsemnana; y as, ¿ndáyeca bënga muatjátsjuabnaye ntšamo ndoñe tšabá tontsemncá jatiyenana? ³ Er ndegombre tšëngaftanga šmondétatšëmbo, bënga uabáinënga tmojanouquedá ora, tmonjaninÿanÿé bënga Cristo Jesúseftaca cánÿiñe mo canÿacá bëtsemnana; y bënga uabáinënga tmonjanouquedá ora, enjamna mo bënga cuafjobancá, ntšamo Cristo tojanobancá. ⁴ Bënga uabáinënga tmonjanouquedá ora, enjamna mo bëngnaca cháftaca cuafjobancá, y cháftaca uatabuantsanëngcá. Chca yojamna, bënga chamotsobenama mo tsëm entšangcá jtsiyenama, ntšamo Crísoftaca tojanopasacá, cha cháuatayenama Bëngbe Bëtsá tojanma ora, chabe puerta bëts obenánaca.

⁵ Bënga Crísoftaca cánÿiñe mo canÿacá jtsemnëse, cha tojanóbana ora mo bëngnaca cháftaca cuafjobancá enjámnayeca, ndegombre bënga

cányiñe mo canyáca cháftaca mochántsemna, bēnga cachiñe vida nyetsca tescama chamotsatsbomnama Bēngbe Bētsá jtsamēse, ntšamo Cristo cháuatayenama cha tojanmcá. ⁶ Y bēnga mondētatsēmbo, chē ntšamo bēngbe vida enjamncá, bacna juabnēngaca mandánēnga, Jesucristbeñe cabá ntsošbuáchiye ora, mora ya ndoñe chca yontsemnama; y chca entsemna mo chē tempsca vida chaóbanama cuafjamcá, Cristo tmojanrucificá ora. Chca yojamna, Bēngbe Bētsá jobenayama chē bacna soyēnga jamama bēngbe juabnēnga jtsepochócama; y chca, ya ndoñe más chē bacna soyēngaca mandánēnga chamondētsemnama, mo nyets tempo n̄ye ín̄yabiama oservenēngcá. ⁷ Er can̄ye entsá tojóbana ora, chē bacna soyēnga chábioye ya ndoñe más ntsemándayana. ⁸ Er Cristo tojanóbana ora, mo bēngnaca cháftaca cuafjobancá endménayeca, cháftaca jtsiyenámna bēnga montsošbuaché. ⁹ Bēnga mondētatsēmbo Cristo cháuatayenama y ndocna te cha cachiñe jatóbanama Bēngbe Bētsá tojanmama; y ndocna obenana queochatsma cha cachiñe chauatóbanama. ¹⁰ Cha tojanóbana, y chē bacna soye jamama juabnēnga ndocna te ntjobenayana chábioye jamándana, y ín̄yēnga ndoñe imontsobena ntšamo cha jabórlana; y ntšamo mora cha yoyencá, Bēngbe Bētsá jtseservénama yomna. ¹¹ Cachcá, tšēngaftanga cmontsamna jtsejuabnayana, chē ya ndoñe más bacna soyēngaca mandánēnga šmojtsemnama, pero vida šmobomna lempe jtsamēse Bēngbe Bētsá tšēngaftangftaca oyejuayá chaotsemnama,

Cristo Jesúseftaca cányiñe mo canyáca jtsemnëse.

¹² Tšëngaftanga cmontsamna, chë bacna soyënga jamama ainantše šmobomna juabnëngaca ndoñe más mandánënga ntsemnana, chca, tšëngaftanga ndoñe chašmondëtsamama juabnëngaca nÿe cach tšëngaftanga, tšëngaftangbe cuerpiñe tšabá jtsomñama. ¹³ Tšëngaftanga ndoñe quecmátamna jalesénciana ndaye tšëngaftangbe cuerpentša soye, bacna soyënga jamama chaoservema. Chamna, tšëngaftanga cmontsamna Bëngbe Bëtsá jauyanana, lempe ntšamo tšëngaftanga šmomncá, cha jaserviama chaotsemna ca, tšëngaftanga chë šmomna mo ya ndoñe más obanëngcá Bëngbe Bëtsabiamana, y tojanma tšabe vida chašmotsebomnama; y jauyanana nÿetsca tšëngaftangbe cuerpentša soyëngna Bëngbe Bëtsá jaserviama yojtsemna ca. ¹⁴ Ndoñe quecmátamna bacna soyëngaca mandánënga jtsemnana, er tšëngaftanga ndoñe quešmátiyena leyiñe iuayana soyëngaca mandánënga, y šmondoyena Bëngbe Bëtsá tšëngaftangbiamana tšabá jtsejuabnayëse.

Ošbuachiyá obligaciónaca jtsemnana ntšamo tšabá yomncá jamama

¹⁵ Y asna, ¿bënga imojtsobena bacna soyënga jamana, chë leyiñe iuayana soyëngaca ndëmandánënga imomnana, y Bëngbe Bëtsá bëngbiamana tšabá jtsejuabnayëse bënga imoyenama? ¡Ndoñe, ndegombre ndoñe! ¹⁶ Tšëngaftanga tšabá šmondëtatšëmbo, ínÿabe cucuatšïñe mo nÿets tempo nÿe ínÿabiamana oservenëngcá šmojoquedá ora, cha jtsobedecénama, ndegombre tšëngaftanga chë nduiñbiamana nÿets tempo oservénënga

jtsemnana. Chcasna, cachcá jtsemnana, chë tšëngaftanga šmojabocacá bacna soyëngaca mandánënga jtsemnama, y chca jtsemnana mo Bëngbe Bëtsabe bominyiñe tšëngaftanga nyetsca tescama obanënga cuaftsemncá, o Bëngbe Bëtsá jtsobedecénama, y chca, chabe bominyiñe tšábënga jabocanana. ¹⁷ Pero šontsamna Bëngbe Bëtsá jtsatschuanayana, er tempo tšëngaftanga mo nyë inyabiama oservenëngcá šmojamna, bacna soyënga jamama juabnëngaca mandánënga; pero mora nyets ainánaca šmojoyeuná, ntšamo chë tcmojanabuatambá soyënguiñe šmojoyëngacñëcá. ¹⁸ Bëngbe Bëtsá tšëngaftanga cmojatsebacá, bacna soyëngaca ndëmandánënga chašmotsemnama, y morna mo Bëngbe Bëtsabiamna oservenëngcá šmojábocna, ntšamo tšabá yomncá jtsamama. ¹⁹ Muentše sënjoyebuambá ntšamo entšanga mondbetsichamcá, er tšëngaftanga ndoñe corente juabna quešmátsbomna toto palabrënga chacmósertama. Tempo, tšëngaftanga šmonjanamana jalesénciana, lempe ntšamo šmojamncá mandánënga jtsemnama, bacna soyënga shembásaftaca o boyabásaftaca jamama juabnëngaca, y nyë ndaye bacna soyënga jamama juabnëngaca. Cachcá, mora tšëngaftanga cmontsamna jalesénciana tšëngaftanga chašmotsemnama juabnëngaca mandánënga tšabe soyënga jtsamama, chca, ndegombre Bëngbe Bëtsabe entšanga chašmotsemnama.

²⁰ Tšëngaftanga, cabá bacna soyënga jamama juabnëngaca mandánënga šmonjamna ora, tšëngaftanga ndoñe obligacónaca quešmënjatsmëna

ntšamo Bëngbe Bëtsabiana tšabá yomncá játamama.
 21 ¿Ndaye tšabe soye tšëngaftanga šmojosháchiñe chë tempo šmojánama soyënga amiñe? Tondaye; y mora chë soyëngama šmojtsëuatja. Chca soyënga tcojamentsana jóbocnana, entšá nyetsca tescama castiganá chaotsemnana, mo Bëngbe Bëtsabe bominyiñe nyetsca tescama obaná cuaftsemncá.
 22 Pero mora, ndoñe quešmátsmëna bacna soyënga jamama juabnëngaca mandánënga, y mora bëtscá šmojtsentšena Bëngbe Bëtscá jtseyeunanana y jtseservénana. Chca jtsamana, tšëngaftangbiana puerte tšabá entsemna, er chca, Bëngbe Bëtsabe entšanga šmochántsemna, y cabana, chë nyetsca tescama yomna tšabe vida šmochántsebomna.
 23 Bacna soyënga tcojtsamentsana jóbocnana entšá nyetsca tescama castiganá chaotsemnana, mo Bëngbe Bëtsabe bominyiñe nyetsca tescama obanënga cuaftsemncá; pero, Bëngbe Bëtscá šojtsatsatná soyënguentšana, jóbocnana chë nyetsca tescama yomna tšabe vida jtsebomnana, Cristo Jesús Bëngbe Utabnáftaca cányiñe mo canyácá jtsemnëse.

7

Chë bouamnátbentšana ndayá bëngbiana mochju-atsjinjye

1 Jesucristbeyeca catšátanga, tšëngaftanga šmotátšëmbo ntšamo chë leyënga entšangbiana inëtsemnana; tšëngaftanga šmotátšëmbo, ntšamo chë leyiñe tojtsayancá canjye entšá chaotsamamna, nje chë entšá tojtsainëntscuana chábioye jtsemándayana. 2 Chcasna, canjye

bouamna shembása, ntšamo chë leyiñe endayancá bontsemna chabe boyáftaca jëftsemnana, chë boyá tuainëntscuana; pero chë boyá tojtsóbanësna, chë leyiñe endayana, chë shemna canya jtoquédana, chë boyabiama ndëmandaná ca. ³ Y chca, chë shema inye boyabásaftaca chabe boyábioye tbojaingñé, chë boyá cabá vida totsóbomñe ora, chë shemna jtsabáinana chabe boyábioye ínÿaftaca ingñayá ca. Pero chabe boyá tojtsóbanëse, chë leyiñe endayana chë shemna canya jtoquédana, chë boyabiama ndëmandaná ca, y cha jtsobenana ínÿaftaca jtobouamayana; y chca tojama ora, boyábioye ínÿaftaca ingñayana ndoñe ntsemnana.

⁴ Tsëngaftanga chë ošbuachiyëngaftácnaca cachcá endmëna; ya ndoñe más chë léyeca mandánënga quešmátsmëna, er Cristo tojanóbana ora šmojánbocna, mo chë soyëngama obanënga cuafjoquedangcá, ínÿabe entsanga jtsemnana, Crístbenga, ndabiama Bëngbe Bëtsá tojanma cháuatayenama; y chca jtsemnëse, bënga bëtscá soyënga ntšamo tšabá yomncá chamotsamama, Bëngbe Bëtsá jaserviama. ⁵ Bënga chë nÿe ntšamo cabënga imnabošcá monjaniyena ora, chë ley enjanoservena bëngbe ainaniñe chamotsebomnana bacna soyënga jamama puerte bëts juabnënga, nÿe bënga tšabá jtsomñama. Ba bacna soyënga tmonjanma, y chë causa bënga šonjánamna nÿetsca tescama castigánënga jtsemnana, mo Bëngbe Bëtsabe bominÿiñe nÿetsca tescama obanënga cuaftsemncá. ⁶ Pero mora Bëngbe Bëtsá šojatsebacá chë

léyeca ndëmandánënga chamotsemnama; chë ley tempo enjamna bëngbiana mo canÿe amëndayacá. Pero mora bënga chë leyama mo obanëngcá montsemna; chca, bënga ndoñe chamondëtsiyenama ntšamo tempo enjamncá, chë uabemana leyëngaca mandánënga, y aínë tsmëcá chamotsiyenama, ntšamo chë Uámana Espiritu iuamcá bënga vida chamotsebomnama.

Bacna soye jamama juabna tcojtsebomñese, chë ley jamana entšá bacna soye chaomama

⁷ Báseftanga muanjayana cach ley bacna soye yomna ca; ndegombre, chë ley ndoñe chca quenátsmëna. Chë léyeca atše tšabá sëndëtatšëmbo ndayá yomna bacna soye jamana. Atše ndocna te matijántatšëmbona ndayá yomna chë “ínÿabioye jtsántšabošana”, “ínÿabioye ndoñe cattšantšabošeca” chë leyíñe ndoñe matmënjanábemëse. ⁸ Pero bacna soyënga jamama juabnënga atše bomna causa tonjanma, atše puerte chaitsebošama chë ndoñe šonjamna jtsebošana soyënga; y chca chë juabnëngaca tonjanopasá, atše chë leyënguiñe ndayá iuayanama jtsejuabnayëse. Er ndocna ley tondmëna ora, entšá ndoñe ntsetatšëmbuana ndayá yomna bacna soye jtsamana. ⁹ Canÿe tempo enjamna, chora atše sënjaniyena leyëngama ntsetatšëmbcá, pero ntšamo leyíñe iuayancá sënjanabuátmana ora, ndayá jamama ndoñe yonjamnama, atše sënjanontsé chë bacna soyënga jamama juabnëngaca mandaná jtsemnama; ¹⁰ y chora atše sënjántatšëmbona, chë causa šojtsanmëna nyetsca tescama castiganá jtsemnama, mo Bëngbe Bëtsabe bominiñe nyetsca

tescama obaná cuaftsemncá. Běngbe Bětsá chě mando tojanma, atše chě nŷetsca tescama yomna tšabe vida jtsebomnama chayobenama, chě ley jtseyeunaněse; pero ndoñe chiyatanobedecé causa, chě mando tonjanma atše chašotsemna nŷetsca tescama castiganá jtsemnama. ¹¹ Chě leyentša mandĩne inŷe soyěnga ndoñe šonjětsemna jamama ca yojtsayánayeca, chě bacna soyěnga jamama juabněnga átšbeñe, šmonjaningñe bacna soyěnga jamama; y chě mando bétsemnama, chě bacna soyěnga jamama juabněnga tmonjanma atše chašotsemna nŷetsca tescama castiganá jtsemnama, mo Běngbe Bětsabe bominyĩne nŷetsca tescama obaná cuaftsemncá.

¹² Pero běnga měntsá mochjayana: chě leyna tšabe soye endmēna, er Běngbe Bětsábicana tojanóbocna, y chě manděgnaca Běngbe Bětsábicana tojanóbocna ca; chiñe endayana ndayá tšabá yomna jamana y chca tšabá jtsemnana. ¹³ Y asna, ¿quem tšabe soye tojanma atše chašotsemna nŷetsca tescama castiganá jtsemnama, mo Běngbe Bětsabe bominyĩne nŷetsca tescama obaná cuaftsemncá? ¡Ndoñe, ndegombre ndoñe! Chě bacna soyěnga jamama juabněnga atše bomna causa, chca átšeftaca tonjanopasá. Chě tšabá yomna sóyeca, chě bacna soyěnga jamama juabněnga tmonjanma atše chašotsemna nŷetsca tescama castiganá jtsemnama. Chca chě juabněngaca tonjanopasá, entšanga jobenayama jtsetatšěmbuama ndayá yomna bacna soye jamana; y chě mando, bacna soye jamama ndoñe yondmēna ca jtsichámuana causa, nŷetsca entšanga mondobena jinŷana canŷe bacna soye, mo canŷe

puerte bēts bacna soycá.

¹⁴ Bēnga mondétatsēmbó chē ley Bēngbe Bētsabe ley yomnama, pero atšna n̄ye can̄ye entšá sēndmēna, can̄ya n̄yets tempo n̄ye bacna soyēnga jamama juabnēngaca mandaná. ¹⁵ Ndegombre ndoñe quešnátēsertana ntšamo sēntsamcá, er ndoñe ntsamana ndayá jamama stsebošcá, pero aíñe jtsamana ndayá jamama ndoñe šontsogustancá. ¹⁶ Pero chē atšbe ainaniñe stsejuabná ndoñe tšabá tontsemna soye stsamēse, ndayama leyíñe iuayana ndoñe candmēna ntsamana ca, chca atše jtsin̄yan̄nayana chē ley ndegombre tšabe soye yomnama. ¹⁷ Chcasna, atše ya ndoñe ntsemnana chē chca tojtsamá, ndayá chē bacna soye jamama atšbe ainaniñe yomna juabnēnga jtsamana atše chca jamama. ¹⁸ Atše sēndétatsēmbó, atšbe ainaniñe tondaye yontsemna ntšamo tšabá yomncá atše jamama. Masque sēntseboše ntšamo tšabá yomncá jamama, ndoñe quetsátobena chca jamama. ¹⁹ Atše ndoñe quetsátama chē tšabe soye ndayá jamama sēndbošcá, pero aíñe sēntsama chē bacna soye ndayá jamama ndoñe sēndbošcá. ²⁰ Chē ndayá ndoñe jamama sēntsebošcá stsamēse, chca jtsayanana, atše ya ndoñe stsemna chē chca yojtsamá, sinó chē bacna soye jamama atšbe ainaniñe yomna juabnēnga chca yojtsama.

²¹ Chca, atše tijátatsēmbona ndayá átšeftaca yojtsopasánana; masque, ntšamo tšabá yomncá jamama stseboše, bacna juabnēnga sempre jtsemándayana atše bacna soye chaimama. ²² Atšbe ainanoca puerte sēntsoyejuá, Bēngbe Bētsábiocana

yóbocana mandëngama. ²³ Pero atše sënjinÿena inÿe soye átšeftaca yojtsopasánama; chë bacna soye jamama atšbe ainaniñe yomna juabnënga yojtsama atše ndoñe ntjamama ntšamo atšbe juabnoca yomna mo ndegombre soycá, mo chë bacna soyëngaca mandaná cuaftsemncá.

²⁴ ¡Tša lastema atšbiamá! Chë bacna soye jamama juabnënga átšbeñe entsemánda, y entsama atše chašotsemna nÿetsca tescama castigáná jtsemnama, mo Bëngbe Bëtsabe bominiñe nÿetsca tescama obaná cuaftsemncá. ¿Nda nanjobenaye chentšana atše jatsbocama?

²⁵ Nÿe Bëngbe Bëtsá endmëna nda yobena atše jatsbocama, Bëngbe Utabná Jesucrístbeyeca. Chábioye chama mochtsatschuanaye. Atšbe ainanoca atše aíñe sëntsejuabná chë ley puerte tšabe soye yomna ca, y jobedésama sëntseboše; pero chë bacna soye jamama átšbeñe yomna juabnëngaca, atše bacna soyënga sëntsama, ntšamo chë juabnënga šontsemnadá.

8

Ntšamo Bëngbe Bëtsabe Espíritu yomandacá jt-siyenana

¹ Y chca, Bëngbe Bëtsá ndoñe ntjayanana, Cristo Jesúséftaca cánÿiñe mo canÿacá imomnënga, chëngbe bacna soyëngama nÿetsca tescama castigánënga jtsemnama yojtsamna ca.

² Er, chë Uámana Espíritoftaca mandánënga mondmënayeca, Bëngbe Bëtsá šojatsebacá, bënga chë bacna soye jamama juabnëngaca mandánënga ndëtsemnama, y nÿetsca tescama

castigánënga ndétsemnana, mo Bëngbe Bëtsabe bominyiñe nyetsca tescama obanënga cuaftsemncá. Chë Uámana Espíritu jamana bënga ndegombre tšabe vida chamotsebomnana, cányiñe mo canyáca Cristo Jesúseftaca jtsemnëse. ³ Bëngbe Bëtsá tojanma ndayá Moisesbe ley ndoñe tonjanobenacá, er entšanga mondoyena nye ntšamo cachënga imobošcá, y nye cányënga ndoñe ntsobenana jamana ntšamo tojtsamncá. Bëngbe Bëtsá tojánayana entšángbeñe bacna juabnëngbe mando jtsepochoćama ca, y chama chabe Uaquiñá tbojanichmó. Cha quem luaroye mo canyë entšacá tojánabo, canyë ainánaca, mo chë entšanga bacna soye amëngbe ainancá, pero ndocna te ni mo canyë bacna soye ndoñe tonjëftsema; y tojánabo, chábeyeca entšanga bacna soyëngama perdonánënga chamotsemnana. ⁴ Bëngbe Bëtsá chca tojanma, bënga chë mora oyenënga jtsamëse ntšamo chë Uámana Espíritu ainaniñe yomandacá y ndoñe nye ntšamo bënga entšanga tmojtsebošcá, chamobenama tšabá jamana ntšamo chë leyiñe yomandancá, ntšamo šojtsamncá.

⁵ Chë nye cachënga tšabá jtsomñama cachëngbe juabnëngaca imoyenënga, nye sempre jésejuabnayana bacna soyënga jtsamama, chca bacna juabnëngaca mandánënga; pero ntšamo chë Uámana Espíritu ainaniñe iuamëndacá oyenëngna, sempre jésejuabnayana tšabe soyënga jamama, ntšamo chë Uámana Espíritu yobošcá. ⁶ Ntšamo chë nye cachá tšabá jtsomñama juabnëngaca mandaná oyenentšana jóbocnana entšá nyetsca tescama castiganá chaotsemnana,

mo Bëngbe Bëtsabe bominiñiñe nyetsca tescama obaná cuaftsemncá; y ntšamo chë Uámana Espíritu tojtsemandacá oyenentšana jóbocnana chë nyetsca tescama yomna tšabe vida jtsebomnama y ainaniñe tšabe ebionana. ⁷ Chë nyets tempo oyenënga nye ntšamo tmojtsebošcá nye cachënga tšabá jtsomñama jtsejuabnayëse, Bëngbe Bëtsabe uayayënga jtsemnana, er chënga ndoñe ntsamana ntšamo cha tojtsamëndacá, y chca jamama ndoñe ntsoebenana; ⁸ y chca, chë nye chca bacna juabnéngaca oyenënga, ndoñe ntsoebenana jamana ntšamo Bëngbe Bëtsá tšabá tbojtsinýancá.

⁹ Pero tšëngaftanga ndoñe quešmátiyena nye cach tšëngaftanga tšabá jtsomñama cach tšëngaftangbe juabnéngaca, sinó šmojtsiyena ntšamo chë Uámana Espíritu tšëngaftangbe ainaniñe cmamëndacá, er chë Uámana Espíritu sempre tšëngaftangbe ainaniñe iuétsemna. Nda ndoñe quem Cristbe Espíritu tondbomná, ndoñe Cristbia ntsemnana. ¹⁰ Pero Cristo sempre tšëngaftangbe ainanentše vida totsóbomñëse, masque tšëngaftangbe cuerpënga yochjopochóca, quem luarentše entšanga bacna soyënga jtsamana causa, tšëngaftangbe espíritu nyets tempo vida echanjesóbomñe, er Bëngbe Bëtsá tojama tšëngaftanga chabe bominiñiñe tšábenga chašmotsemnama. ¹¹ Y Bëngbe Bëtsabe Espíritu, Jesús cháuatayenama tojamabe Espíritu, sempre tšëngaftangbe ainaniñe tojtsemnëse, Bëngbe Bëtsá, chë Cristo cháuatayenama tojamá, echanjama chë tšëngaftangbe yochjóbana cuerpo, cachiñe vida chaotsatsbomnama. Cha chca echanjama chabe

Espíritoftaca, y mua sempre tšëngaftangbe ainaniñe iuétsemna.

¹² Chcasna, Jesucristbeyeca catšátanga, šontsamna jtsiyenana ntšamo chë Uámana Espíritu ainaniñe šuamëndacá; ndoñe quešnátamna jtsiyenana nýe bënga tšabá jtsomñama cabëngbe bacna juabnëngaca; ¹³ er nýe bënga tšabá jtsomñama cabëngbe bacna juabnëngaca šmojtsiyenëse, castigánënga šmochántsemna, mo Bëngbe Bëtsabe bominiñe obanënga cuaftsemncá; pero Uámana Espíritbeyeca, chca juabnëngaca nýetsca bacna soyënga jtsamana jtsajbanama šmojobenase, chë nýetsca tescama yomna tšabe vida šmochántsebojna.

¹⁴ Ntšamo chë Uámana Espíritu yomandacá tmojtsamëngna, Bëngbe Bëtsabe básenga jtsemnana. ¹⁵ Er Bëngbe Bëtsá ndoñe tonjama bënga ainaniñe canýe espíritu chamotsebojna, mo nýe ínýabiama nýets tempo oservenëngcá chašotsamëndama, y chca cha chaoma bënga cachiñe chamotsëuatjama; sinó chë Bëngbe Bëtsá tojama bënga chamotsebojna Espíritu jamana bënga Bëngbe Bëtsabe básenga chamotsebojna, y chë Espíritu endama “Atšbe Taitá ca” bënga Bëngbe Bëtsá chamotsechembuanama. ¹⁶ Y chë Uámana Espíritu y bëngbe espíritu canýe ora jayanana bënga Bëngbe Bëtsabe básenga imomna ca. ¹⁷ Y Bëngbe Bëtsabe básenga mondménayeca, bëngnaca mochanjóyëngacñe ndayá cha chabe básenga jatsatayama tojašebuachenacá; bënga y Cristo cánýiñe chë soyënga mochanjóyëngacñe, er bënga inýe soyënguiñe tmojasufrí cachcá ntšamo Cristo tojansufricá, Bëngbe Bëtsá uámanënga y

bětsětsanga chásuabiamama, ntšamo cach Cristo yomncá.

Běngbe Bětsá bětsětsanga y uámaněnga šochjábiama

¹⁸ Atše ndegombre sěndětatsěmbo, ntšamo quem tempo běnga imosufrincá, puerte batsatema yomna chě běngbe tšabiamama uámanana y buashinŷinŷanana Běngbe Bětsá šochjínŷanŷiyama. ¹⁹ Lempe ntšamo Běngbe Bětsá tojamcá endměna mo tša cuaftsobatmancá, chaobuache chě Běngbe Bětsá ntšamo chabe básenga imomnama jinŷanŷiyama ora. ²⁰ Er lempe ntšamo Běngbe Bětsá tojamcá, mora ndoñe yontsoservena ntšamo chaotsemnama cha tojanjuabocá. Chca tojanopasá, ndoñe chě lempe ntšamo cha tojanmcá chca chaotsemnama tojánbošenayeca, ndayá cabá chě soyěnga tojanmentšana, Adán bacna soye tojanmentšana, Běngbe Bětsá tojanjuabó ntšamo cha tojanmcá joserviama ndoñe ndayama ntšamo cha tempo tojanjuabocá. Pero lempe ntšamo Běngbe Bětsá tojanmcá entsemna mo cuaftsobatmancá canŷe te, ndēmua ora chě soyěnga chaoservema cha yochjamama jtsetatsěmběse, ntšamo quem luare jobojátsama ora chama cha yojanjuabnacá; ²¹ Běngbe Bětsá canŷe te yochjama lempe ya ndoñe más chaondetsopochocama. Y chora, ntšamo Běngbe Bětsá yochjamcá chabe básenga chamotsemnama, lempe ntšamo cha yojanjuabnacá, chabe uámanana y buashinŷinŷanana jtsebomnama, cachcá yochjama lempe chě cha tojanma soyěngaca.

22 Er bēnga mondētatsēmbo lempe ntšamo Bēngbe Bētsá tojanmcá mēntscoñama yomna mo canye shembása šešona jtsebonnama ora tbojtsetsetšama tojtsobēsnaćá; er lempe ntšamo cha tojanmcá entsemna mo tša cuaftsebošćá Bēngbe Bētsá chaomama, chē soyēnga chaoservema ndayama cha tempo tojanjuabocá. 23 Pero ndoñe nye chē lempe ntšamo Bēngbe Bētsá tojanmcá yojtsemna mo chē shembasacá, sinó bēngnaca; y bēnga ainaniñe mondbomna chē Uámana Espíritu, y chē soye endmēna ndayá natsana bēnga tmojanóyēngacñe, chē Bēngbe Bētsá bētsćá soyēnga šochjátsatayentsana; bēnga bēngbe ainanoca tša jesobēsnañana, bēnga chabe básēnga chamotsemnama Bēngbe Bētsá chaomama mondobátmanēntscuana, y chca, Bēngbe Bētsá chaoma bēnga ndocna te ndopochócama cuerpēnga chamotsebonnama. 24 Bēnga, Bēngbe Bētsábeñe jtsošbuáchiyēse monjobátmana ntšamo cha tojanayancá chaomama, y chíyeca cha bēnga šojatsebacá; pero ndayama tmobatmancá, ya tojtsēchnējuanama bēnga tmojtsonyase, chora chama ya ndoñe ntjátobatmanēngana. Er ndocná jatobátmanana chē ndayá jinyama ya tojobenacá. 25 Pero ndayama bēnga tmobatmancá, cabá ndoñe jinyama tmontsobena soye tojtsemnēse, bēnga jtsamnana Bēngbe Bētsábeñe jtsobátmanana, uantadēnga jtsemnēse, ntšamo tojayancá Bēngbe Bētsá chaomēntscuana.

26 Uámana Espíritnaca bēnga šochandbésējabuachana, er bēnga ainaniñe ndoñe corente ntsošbuáchiyana. Bēnga ndoñe

quemuátstatšëmbo Bëngbe Bëtsáftaca jencuéntana ntšamo ndegombre tšabá yomncá; pero cach Espíritu Bëngbe Bëtsábioye bëngbiamna jtsotjanañana, mo chca ora chabe ainanoca tša cuaftsobësnacá; y ndayá chca ora tbojtsotjanañamna, bënga ndoñe ntjobenayana bëngbe palábraca chama jóyebuambayama. ²⁷ Y Bëngbe Bëtsana, ntšamo entšanga ainanoca tmojtsebošcá yonýá, y ntšamo chë Espíritu jayanama tojtsebošcá yotátšëmbo, er chë Espíritu chabe entšangbiamna ibotjanañe, ntšamo Bëngbe Bëtsá yobošcá.

Bënga ayëñjanayëngama más tmojábocana

²⁸ Y bënga mondëtatšëmbo, Bëngbe Bëtsá nyetsca soyënguiñe inétsama cha imobobonshánëngbe tšabiamna, ndëmuanyënga cha tojáchembo chabe entšanga chamotsemnana, ntšamo cha jamama yojanjuabnacá. ²⁹ Jesucrístbeñe imošbuachëngbiamna, Bëngbe Bëtsá quem luare tojanma orscana yojanjuabná y chënga tojanabacacá chca chamotsemnana, y chë tempscana tojaninýnaná chënga chabe Uaquiñacá chamotsemnana; chca, chabe Uaquiñá chë bëtscá catšátangbeñe chë natsaná chaotsemnana. ³⁰ Y chë Bëngbe Bëtsá chca tojánabacacangnaca, tojánachembo chabe entšanga chamotsemnana; chëngbiamna tojanma chabe bominyiñe tšábenga chamotsemnana, y chëngbiámnaca yochjama chabe uámanana y obenanentšana chamotsebomnana.

³¹ Y asna, ¿chë soyëngama ntšamo mochjayana? Co Bëngbe Bëtsá bëngaftaca tojtsemnëse, bënga jáyëñjanama ndocná queochatobenaye ca. ³² Cha

tondaye tonjanma chabe Uaquiñá jasúfriama ndoñe chabondětsemnama, sinó tojanalesenciá entšanga chamóba, nyetsca bēngbe tšabiama. Bēngbe Bētsá chabe Uaquiñáftaca chca tojanmēse, ndegombre Bēngbe Bētsá lempe šochanjátšataye.

³³ ¿Nda nanjobenaye jayanama chē Bēngbe Bētsá tojábacacanga bacna soyēnga tmojama y castigánēnga chamotsemna ca? Ndocná; er cach Bēngbe Bētsá endmēna nda tojayana bēnga chabe bominyiñe tšábenga imomna ca. ³⁴ Y asna, ¿nda nanjobenaye jayanama bēnga castigánēnga jtsemnama šojtsamna ca? ¿Cristo Jesús cha yojtsemna? Ndoñe. Cristo, nda bēngbiana tojanóbana, pero cabá más, ndabiama Bēngbe Bētsá tojanma cháuatayenama, y mora Bēngbe Bētsabe catšbioica yojtsetbemana, jamándama y puerta bētsá chentše jtsemnama; y choca, chánaca bēngbiana Bēngbe Bētsábioye ibotjanañe. ³⁵ ¿Ndayá nanjobenaye Cristbentšana, chē tša šondababuanjēshanábentšana bēnga jtsajuánayana? ¿Padecena soyēnguiñe jtsemnana, tša jtsetsetšana, bēnga chamosufrima ínŷenga tmojtsama ora, tondaye saná shēntsana ora, tondaye entšayá tmontsábomna ora, o resjo bēngbiana tojtsemna ora, o bēnga jtsēbáyama ínŷenga tmojtseboše ora? ³⁶ Ntšamo Bēngbe Bētsabe uabemana palabrenguiñe endayancá, canŷe entšá Bēngbe Bētsábioye ibojauyana ora:

Acbe causa entšanga cada te šontsētšetsná bēnga jtsēbáyama ca;

entšanga bēngbioye nŷe ntšámnaca jtsaborlánana;
bēngaftaca jamana mo chē jobáyama

oveshéngaftaca mondbetsamcá ca.

³⁷ Pero ndoñe; nyetsca chë soyënguentšana bëngna ayëñjanayëngama más tmonjávocana, cha bënga šuababuányëshanayeca. ³⁸ Er atše tšabá sëndétatsëmbo tondaye yondobena, bënga Bëngbe Bëtsábentšana, chë tša šondababuanyëshanábentšana jtsajuánayana: masque ainënga o obanënga tmojtsemna; ni angelënga, ni amëndayënga chca jamama quemátobena; ni chë mora yojtsëchnëjuana soyënga, ni chë más chcoye yochjopása soyënga; ni ndocna obenana cach ndoñe; ³⁹ ndocna quem luarentša tsbanánoca soye, ni quem luarentša tajsoica soye; ni ndocna inýe soye ntšamo Bëngbe Bëtsá tojamcá, quenátobena chca bënga jtsajuánayama. ¡Ndocna soye quenátobena bënga Bëngbe Bëtsábentšana, chë bënga šondababuanyëshanábentšana jtsajuánayana, chë Cristo Jesús Bëngbe Utabnáftaca Bëngbe Bëtsá šojanýanyë bonshánentšana!

9

Bëngbe Bëtsá Israeloca entšanga tojabacacá, uámanënga chamotsemnama

¹ Atše, Crísoftaca cánýiñe mo canýacá quetsomñecana, ntšamo sentsichamcá ndegombre endmëna; atše ndoñe quetsátsbostero. Atšbe ainanoca juabnënga, Uámana Espíritbeyeca jtsemandánëse, chë šmonybëuyana tšabá o ndoñe tšabá tijamama, šmontsatsëtsná atše ndoñe stsebosterama. ² Ndegombre, atše puerte ngménaca atšbe entšangbiamá, chë Israeloquëngbiamá sëntsemna y atšbe

ainana tša šontsetsetše, chënga Jesucristbeñe jtsošbuáchiyama ndoñe quemátsboše causa. ³ Tšabá tojtsemnëse, atše stjobenaye jtsebošana cach atše Bëngbe Bëtsábeyeca nyetsca tescama castiganá y Crístbentšana luaroca jtsemnama, atšbe entšanga, chë cach atšcá buiñe bomna entšanga jujabuáchama. ⁴ Chënga mondmëna chë Israeloca entšanga, chë Bëngbe Bëtsabe bocacana entšanga. Bëngbe Bëtsá chënga chabe basengcá tojánabiamá y chë tša bëtsá y uamaná cha yomnama chënga tojaninyänyé. Bëngbe Bëtsá ba soye chënga tojanabuayená ndayá cha chëngbiamá yojánboše y ndayá chëngbiamá jamama, y chë ley chëngbe cucuatšinë tojanáboshjona. Chënga monjántatšëmbo ntšamo Bëngbe Bëtsábioye ndegombre jadórana, y chënga mondbomna chë Bëngbe Bëtsabe šbuachenánana: chënga cha játsebacana. ⁵ Chënga mondmëna chë bëngbe tempasca uámana bëts taitangbentšánënga, y Crístnaca mo canye entšacá, mo canye Israeloca entšangbentšacá tojánabo; y cha endmëna Bëngbe Bëtsá, nyetsca soyënguiñe mandayá. Nyetsca entšanga nyets tempo cha chamotsatschuaná. Chca chaotsemna.

⁶ Atše ndoñe quetsátichamo, ndayá jamama tojanašebuachenacá ndoñe Bëngbe Bëtsá tonjama ca; er, nyetsca Israeloca entšangbentšënga ndoñe Bëngbe Bëtsabe ndegombre entšanga quemátsmëna. ⁷ Ni nyetsca Abrahábentšana entšanga, ndoñe chabe ndegombre básenga quemátsmëna; er Bëngbe Bëtsá Abrahábioye tbojaniana: “Chë ácbentšana entšanga nye Isaácbentšana mochanjabo ca.” ⁸ Chca entsayana,

bēngna ndoñe šontsamna jtsejuabnayana Abrahám bentsana nýetsca entšangbiamá mo Bēngbe Bētsabe basengcá; inýetsá, nýe chē Bēngbe Bētsá tbojanšbuachenáyeca Abraham yojánabamna básengbiamá cocayé entsemna jtsejuabnayana, Abrahám bentsana ndegombre entšanga bétsemnama. ⁹ Er mēntšá endmēna ntšamo Bēngbe Bētsá tojánayana, Abrahám bioye tbojanšbuachená ora: “Camēntša tempo entsba uata chanjésabo, y Sara canýe šešona bochantsebomna ca.”

¹⁰ Pero nýe nýetsá ndoñe quenátsmēna. Chē Rebecbe uta básatna canýe taitá ibnabomna, bēngbe tempsca bēts taitá Isaac. ¹¹⁻¹² Bēngbe Bētsá, Rebécbioye tbojanayana: “Acbe mayor uaquiñá, acbe ngomēnche uaquiñábioye bochanjaservia ca.” Cha chca tojánayana jinýinýiyama chē básatbentsana canýa cha tbojánbocacama, Jacob, y ndoñe chē inýe basa, Esaú, chca jamama tempo cha tojanjuabóyeca. Rebécbioye chca tbojanayana chē básata cabá ndonýna ora, y ni canýe basa cabá ndocna soye ndama ora. Y chca, ntšamo tojanopasacana, tojanopasá chē básatbentsana canýa y ndoñe chē inýa chca chaotsemnama Bēngbe Bētsá tbojanábuayanayeca, y ndoñe ndayá chata tbojanmama. ¹³ Ntšamo Bēngbe Bētsá chabe uabemana palabrēnguiñe tojanayancá: “Jacob sēnjánbobonshana, y Esaú sēnjanáboyēnja ca.”

¹⁴ Y asna, ¿ntšamo mochjayana? ¿Bēngbe Bētsá ndoñe cachcá nýetscángaftaca endétsemna ca? ¡Ndoñe, ndegombre ndoñe! ¹⁵ Er Bēngbe Bētsá Moisésbioye tbojanayana:

Atše šochanjóngmia nda chaitsebošabiamá,

y nda chaitsebošá chanjalastéma ca.

¹⁶ Y chca, Bëngbe Bëtsá canÿe entšá jabocacayana, ndoñe ndayá chë entšá tojtsebošama o tojamama, ndayá Bëngbe Bëtsá tbojalastemama. ¹⁷ Er Bëngbe Bëtsabe uabemana palabrenguiñe, Faraón chë Egiptoca réybioye cha tbojaniyana: “Atše rey tcbonjábema, tša bëtscá atšbe obenana yomnama nÿetscanga ácbeñe chayinÿanÿema, y nÿets luarentša entšanga atšbiana chamotatsšëmbonama ca.” ¹⁸ Y chca, Bëngbe Bëtsá jalastémama nda tojtsebošábioye, y nda tojtsebošábioye jalesénciana chabiana nduauenaná chaotsomñama.

¹⁹ Pero ndánaca tšëngaftanguentšá šuatjatjaye: “Bëngbe Bëtsá chca tojtsamëse, ¿ntšamo cha nantsobena jayanana canÿe entšá bacna soye tojama ca? ¿Nda nanjobenaye chë ndayá Bëngbe Bëtsá tojtsebošama corente contra jtsemnana?” ²⁰ Pero, nÿe entšá quecotsemñecá, ¿ntšamo catjobenaye tša uamaná comna ca jtsejuabnayana, Bëngbe Bëtsá jatstjanayama ndáyeca canÿe soye chca yojtsama ca? ¿Chë pormana soye chë chca tojamábioye buanjauyana: “¿ndáyeca chca šcojama ca?”” ²¹ Chë fshantse soyënga pormayá jtsobenana canÿe fshantsentšana jamana, canÿe matbaja uámana tescama, y inÿajna cada te chaotsoservénama. Cachcá, Bëngbe Bëtsá jtsobenana jamana ntšamo cha tojtsebošcá, ndayá cha tojama sóyeca.

²² Bëngbe Bëtsá yojáboše jinÿanÿiyama entšángaftaca tbojánatnama, chëngbe bacna soyëngama; y yojáboše cha puerte obená yomnama jinÿanÿiyama. Chíyeca, chënga tša yojanëuantana, chënga chë ndëmuanÿengbiana

Bëngbe Bëtsá yochjánayana chëngbe bacna soyëngama castigánënga jtsemnama yojánamna ca, chë ndëmuanÿenga jtsapochócama Bëngbe Bëtsá yojtsanprontana. ²³ Y chánaca yojáboše jinÿanÿiyama cha puerte uamaná y bëtsá yomnama. Cha tojama, bënga chë ndëmuanÿenga cha šojanalastemá, chabe obenanentšana y uámananentšana chamotsebonnama; y cha tempo chca tojanjuabó bënga uámanënga y bëtsëtsanga jábiamama. ²⁴ Bënga mondmëna chë ndëmuanÿenga Bëngbe Bëtsá chama šojánachembo, ínÿengna judío entsanguentšana, y ínÿengna ndoñe judiëngbentsana. ²⁵ Ntsamo chabe uabemana palabrënguiñe, Oséasbe librëšañe Bëngbe Bëtsá tojanayancá:

Entšanga ndoñe átsbenga mondmënënga, chënga “atsbe entsanga ca” chantsëbobuatma;

y canÿe luarentša entsanga ndoñe sënjánababuanÿeshanënga, chëngna “atsbe bonshánënga ca” chantsëbobuatma.

²⁶ Y cach luare ndayentše Bëngbe Bëtsá tojánayana: “Tšëngaftanga atsbe entsanga ndoñe quešmátsmëna ca”,

cachentše Bëngbe Bëtsá ainá chënga echanjáuyana “atsbe básenga ca”.

²⁷ Israeloca entsangbiama, Isaías jabuachana tojánayana:

Masque Israeloca entsanga puerte banga chamotsemna, nÿa mo chë mar béjayoca chënÿañe cascajá,

Bëngbe Bëtsá nÿe báseftanga chentšana echanjátsebacaye;

28 er, ndoñe bën y Bëngbe Utabná canye y nyetsca tescama echanjayana,
 nyets quem luarentša entšangbiama ndayá chënga tmojamama tšabá o ndoñe tšabá bétsemnama,
 y chëngaftaca echanjama ntšamo chaojayancá ca —cha tojánayana.

29 Ntšamo Isaías tojanayancá, Bëngbe Bëtsá Israeloca entšangftaca ntšamo jamama tojanoyebuambá ora:
 Bëngbe Utabná, nyets obenana bomná, ínÿenga bënga jtsapochócama cha tojanalesenciá ora,
 báseftanga bëngbe entšanguentsënga ainënga chamotsomñama ndoñe matënjanmëse,
 bënga mora pochocánënga mamojtsemna, mo chë Sodoma y Gomorra pueblëngoca entšangcá ca,
 cha nyetscanga y nyetsca tescama tojt-sanapochócaye ca.

Israeloca entsanga y chë tsabe noticiënga

30 Chcasna, mora mëntšá mochjayana: ndoñe judiënga tondaye monjánama Bëngbe Bëtsabe bominyiñe tšábenga jtsemnama, pero cha tojanma chënga chabe bominyiñe tšábenga chamotsemnama, chënga chábeñe imojtsošbuáchiyama. 31 Pero, Israeloca entsanga imojánboše Bëngbe Bëtsabe bominyiñe tšábenga jtsemnama, ntšamo chë leyiñe iuayancá jtsamëse; pero ndoñe chca tmonjanobená. 32 ¿Y ndáyeca chca? Co chë Bëngbe Bëtsabe bominyiñe tšábenga jtsemnama, chábeñe jtsošbuáchiyëse, chënga tondaye monjánama

causa chca, sinó chca jtsemnama imojánboše nýe ntšamo leyiñe iuayancá jtsamése. Y chca, chëngna Jesús tmojtsanaboté, ntšamo chë Bëngbe Bëtsabe uabemana palabrënguiñe chë tmojtsanábotengbiamama endayancá, chëngbiamama cha yomna mo chë ndëtsbé ndayiñe chënga jtsojestjiamcá ca. ³³ Bëngbe Bëtsabe uabemana palabrënguiñe cha chca tojánayana:

Smochjinýe, atše sënjama Jerusalenentše canýa chaotsemna, y cha endmëna mo ndëtsbecá ndayentše chënga mochjojestje, y canýe peñëscá ndayëše yochjama chënga chamotsótsatsama; pero nda chábeñe tojtsošbuaché, ndocna te nýe bonamente queochátobatmana ca.

10

¹ Jesucristbeyeca catšátanga, atše nýets ainánaca sëntseboše y Bëngbe Bëtsá sëntseimpadana, cha Israeloca entšanga cháuatsebacama. ² Atše sëndëtatšëmbo y sëntsobena chëngbiamama jayanama, chënga puerte mondboše Bëngbe Bëtsá jaserviama, pero ntšamo chënga yojtsësertancá, ntšamo Bëngbe Bëtsá jaserviama yojtsamnamna, ndoñe quenátsmëna ntšamo ndegombre yomncá. ³ Chënga ndoñe tonjanësertá ntšamo Bëngbe Bëtsá inétsama entšanga chabe bominyiñe tšábenga chamotsemnama, y cachënga tmojánguango ntšamo jamése jobenayama Bëngbe Bëtsabe bominyiñe tšábenga jtsemnama; pero ndoñe chca tmonjanobená, chë entšanga chabe bominyiñe tšábenga chamotsemnama ntšamo Bëngbe Bëtsá inetsamcá ainánaca ntjoyëngacñëcá. ⁴ Er Cristo

tojama entšanga ndoñe chamondétsama ntšamo leyiñe iuayancá, Bëngbe Bëtsabe bominyiñe tšábenga jtsemnama, chca, chënga chamobenama chabe bominyiñe tšábenga jtsemnama, Crístbeñe jtsošbuáchiyëse.

⁵ Chë Bëngbe Bëtsabe bominyiñe tšábenga jtsemnama bošëngbiana, ntšamo leyiñe iuayancá jtsamëse, Moisés mëntsá tojánayana, chëngbiana tojanábema ora: “Nda tojtsama nyetsca mandënga ntšamo leyënguiñe endayancá, tšabe vida echántsebomna, nyets tempo chë leyëngaca mandaná ca.” ⁶ Mëntsá endmëna ntšamo Bëngbe Bëtsabe uabemana palabrënguiñe iuayana, entšanga chabe bominyiñe tšábenga chamotsemnama ntšamo cha inétsamama, Jesucrístbeñe jtsošbuáchiyëse: “Ndoñe cattsetjanaye: ‘¿Nda celoye yochjátsjua ca?’ (chca endmëna ndayá Cristo quem luaroye chaotsmama); ⁷ o, ‘¿Chë obanënga imomna luaroye yochjátsma ca?’ (chca endmëna ndayá Cristo chë obanënga imomna luarentšana chaotsjuama).” ⁸ Ntšamo Bëngbe Bëtsabe uabemana palabrënguiñe iuayancá mëntsá endmëna: “Tšëngaftanga paselo šmontsobena ntšamo Bëngbe Bëtsá tojabuayenacá jouenama, tšëngaftanga ya chama palabrëngaca šmojoyebuambá y tšëngaftangbe ainaniñe chama šmojtsejuabná.” Chë buayenánana endmëna ndayá bënga ftsabuayiynacá, y chiñe endayana Jesucrístbeñe jtsošbuáchiyama šojtsamna ca. ⁹ Chë buayenana soyënguiñe endayana, Jesús ndegombre Bëngbe Utabná yomna ca aca tcojayanëse, y Jesucristo cháuatayenama Bëngbe Bëtsá tojanmama, nyets ainánaca

tcojtsošbuáchese, Běngbe Bětsá cmochjatsbocá ca.
 10 Er ainanoca bēnga Jesucristbeñe jtsošbuáchiyana
 y Běngbe Bětsá jamana cachabe bominyiñe
 tšábenga chamotsemnama; palabrēngaca
 bēnga jinŷanŷiyana ndegombre Jesucristbeñe
 imojtsošbuáchema, y Běngbe Bětsá bēnga
 játsebacana.

11 Er Běngbe Bětsabe uabemana palabrēnguiñe
 mēntšá endayana: “Nda Běngbe Bětsabeñe
 tojtsošbuaché, ndocna te nŷe bonamente
 queochátobatmana ca.” 12 Judiēnga y ndoñe

judiēnga atsebácanēnga mondmēna cach sóyeca, er
 canŷe Útabná nŷetscangbe Útabná endmēna, y cha
 tmojtsošbēmbuanēngbiama, cha bētská jtsamana.

13 Er Běngbe Bětsabe uabemana palabrēnguiñe
 mēntšá endayana: “Ndánaca Běngbe Útabná
 tbojtsošbēmbuanábioye, cha bochanjatsbocá ca.”

14 Pero, ¿ntšamo cha mochjótšēmbona, chábeñe
 ndoñe tmontsošbuáchese? ¿Y ntšamo chábeñe
 mochtsošbuáchiye, chabiama jóyebuambayama
 ndoñe tmonjouenēse? ¿Y ntšamo chabiama
 mochjouena, chabe buayenana soyēnga chēnga
 jáuyanama ndocná tontsemnēse? 15 ¿Y ntšamo

chabe buayenánana mochtsabuátambaye,
 chēngbioye jíchamuama ndocná tontsemnēse?
 Ntšamo Běngbe Bětsabe uabemana palabrēnguiñe
 endayanca: “¡Tša tšabá chē buayenánana
 abuátambayēnga tmojáshjajna ora ca!”

16 Pero nŷetscanga chē tšabe noticiēnga ndoñe
 ntjoyeunayana. Cach Isaías mēntšá tojánayana:
 “Útabná, ¿nda chē mondabuayiyná soyēnguiñe yo-
 jtsošbuaché ca?” 17 Chcasna, chē tšabe noticiēnga

jouenëse, entšanga jobenayana Jesucristbeñe jtsošbuáchiyana; y nda Cristbiana tojtsabuayiynase, entšanga chabe buayenánana jouenana.

18 Pero atše šcotjá: ¿ndegombre nandmëna judiënga chë buayenánana ndoñe tmonjanuena ca? ¡Aíñe, chënga aíñe tmonjanuena! Ntšamo Bëngbe Bëtsabe uabemana palabrënguiñe endayancá, chë Bëngbe Bëtsabe buayenana soyëngama oyebuambnayëngbiana:

Chëngbe oyebuambnayana nyets quem luariñe tojóshjango,
y chëngbe palabrënga nyets luarënguentša entšangbenache tojuáshana ca.

19 Pero cachiñe šcotjá: ¿Israeloca entšanga chë buayenánana ndoñe tonjanësertá ca? Natsana, Moisés mëntsá tojánayana, chë ndoñe judiënga Jesucristbeñe tmojtsošbuaché ora, ntšamo chë judiënga mochtsanjuabnayama tojanoyebuambá ora:

Atše, Bëngbe Bëtsá, chanjama, ndayá chë ndoñe judiënga chamojashjache soyëngama tšëngaftanga chašmotsíyentsbuašama, chënga chë ndoñe monjamna mo tšëngaftangcá atšbe entšanga.

Atše chca chanjama chëngaftaca, chënga chë tempo Bëngbe Bëtsabe soyëngama ndoñe tonjanësertá ca.

20 Isaíasnaca, Bëngbe Bëtsabiana tojanoyebuambá ora, puerta añémoca tojánayana:

Chë atše ndoñe šmondënguanga, šmonjínýena; y chë atšbiana ndoñe mondënotíangbioye sënjenonýinýe ca.

21 Pero Israeloca entšangbiana mëntsá tojánayana:

Njets tempo atše tša sēnjánama, chēnga átšeftaca tšabá tempcá chamotsatsmēnana, pero chēnga ndoñe chemátanbošena jouenama, y atšbe contra monjétsemna ca.

11

Bēngbe Bētsá, Israeloca entsangbiama tšabe juabna yobomnama tojinñanýe

¹ Y as mora šcotjá: ¿Bēngbe Bētsá chabe entsanga tojtsanēbaté? ¡Ndoñe, ndegombre ndoñe! Cach atše canýe Israelocá sēndmēna, Abrahám bentsana entšá y Benjaminbe bēts pamillentšana entšá. ² Bēngbe Bētsá chabe entsanga ndoñe tonjubaté, chē tempscana tojánabacacanga. Tšēngaftanga šmondétatsēmbo ntšamo Bēngbe Bētsabe uabemana palabrenguiñe endayanca, Bēngbe Bētsabe juabna oyebuambnayá Elías, Israeloca entsangbe contra Bēngbe Bētsábioye cha ibojanatsētsná ora: ³ “Bēngbe Utabná, acbe juabna oyebuambnayēnga tmojtsebaye y acbiama pormana altarēnga tmojtsepochochá; nýe atše vídaca tijoquedá, y chēnga montseboše átšnaca jóbama ca.” ⁴ Y mēntšá Bēngbe Bētsá tbojanjuá: “Atše canýsēfta uaranga boyabásenga atšbiama sēnjacuedá, Baal ndoñe tmonjadoranga, ndayá entsanga tmojobopormá y imojtsejuabná canýe dios yomna ca.” ⁵ Mórncaca cachcá entsemna, judiēnguentše báseftanga monduájamna Jesucristbeñe ošbuáchiyēnga, ndēmuanýēnga Bēngbe Bētsá tojabacacá, cha chēngbiama tšabe juabna bómnayeca. ⁶ Bēngbe Bētsá entsanga jabacacayana chēngbiama tšabe juabna bómnayeca; y ndoñe chca

ntjamana ndayá entšanga tmojamama. Er ndayá tmojamama Bëngbe Bëtsá entšanga tojábacacase, cha nanjínÿanÿiye cha chca inétsama, ndoñe nÿe chëngbiamá tsábe juabna bómnyeca.

⁷ ¿Y asna? Israeloca entšanga ndoñe chemátaninÿena ntšamo Bëngbe Bëtsabe bominÿiñe tsábenga jtsemnana, pero chënguentsënga básefta bocacánëngna aíñe tmojanobená. Bëngbe Bëtsá tojanalesenciá chë ínÿenga Israeloquënguentsana chabe buayenana soyënga ainaniñe ndoñe chamondóyëngacñama; ⁸ ntšamo Bëngbe Bëtsabe uabemana palabrënguiñe endayancá: “Bëngbe Bëtsá tojama chënga chabe soyëngama jósertama ndoñe chamondëtsobenama, y mëntscoñama chënga ndoñe quemátobena chabe soyëngama ni jinÿana ni josértana, mo nduabínÿnënga o nduauenanënga cuaftsemnëngcá ca.” ⁹ Davidnaca chëngbiamá mëntsá tojánayana:

Mo chë entšanga canÿe fiestentše oboyejuayënga,
chëngbe uayayëngbeyeca nÿe ndeolpe
ishëchenëngcá,

y mo chë bayëngbiamá uachmaniñe ishëchenëngcá,
chënga mal chamopasama chaomama
Bëngbe Bëtsá sëntseimpadana, mo nda
ndëtsbeñe cuaftsojestjá.

Chca Bëngbe Bëtsá chaoma, chëngbe bacna
soyëngama;

y cha cháuyana chënga puerte castigánënga jtsem-
nana yojtsamna ca, bacna soyënga tmojama
causa;

¹⁰ Bëngbe Bëtsá chaoma ntšamo mochjapásama
chënga ndoñe chamondobená jtse-
tatsëmbuana,

y chaoma puerte chamosufrima, n̄jets tempo padecena soyēnguiñe jtsiyenēse ca —cha tojánayana.

Bēngbe Bētsá ndoñe judiēnga tojatsebacá

¹¹ As mora šcotjá: ¿Israeloca entšanga Bēngbe Bētsá ndoñe tmonjanoyeuná ora, cha tojánayana chēnga n̄jetsca tescama castigánēnga jtsemnana yojtsamna ca, ndocna in̄ye soye chēngbiana ntsemncá? ¿Chēngbiana yojamna mo chē ndētsbeñe jojéstjiana y jtētsbanama ndoñe más ntjobenayancá? ¡Ndoñe, ndegombre ndoñe! Chca ndoñe quenátsmēna. Chēnga Bēngbe Bētsá ndoñe chematanoyeuná causa, ndoñe judiēnga tmonjántatsēmbona ndayá bētsemnana Bēngbe Bētsábeyeca atsbocaná jtsemnana; y chē causa, mora, judiēnga, ndayá chē ndoñe judiēnga Bēngbe Bētsábentšana tmojoshachiñcá montsíyentsbuaše. ¹² Judiēnga bacna soyēnga tmojanma causa, in̄ye entšanga quem luarentše tmojobená ba tšabe soyēnga jtsebojnama. Chē judiēnga tmonjanorrebajá causa, chē ndoñe judiēnga ba tšabe bendicionēnga Bēngbe Bētsábentšana tmojosháchiñe. Y chca, chē bētscá judiēnga Bēngbe Bētsá játsebacama, chēnga atsebácanēnga chamojtsemna ora, más bētscá tšabe bendicionēnga Bēngbe Bētsábentšana n̄jetsca entšangbiana echántsemna.

¹³ Ntšamo mora chanjayancá, tšēngaftanga ndoñe judiēngbiana entsemna. Bēngbe Bētsá šojichmó chabe soyēngama chē ndoñe judiēnga jábuayenama; atše sēntsejuabná puerte uámana trabajo stsebojnma ca. ¹⁴ Atše sēntsobátmana,

quem trabájoca atše jobenayana jamama chë cach atscá buiñe bomna entsanguentsënga, ndayá chë ndoñe judiënga Bëngbe Bëtsábentsana tmojoshachiñcá chamotsíyentsbuaše, y chca, ndayá tijamama, Bëngbe Bëtsá chënguentsana báseftanga cháuatsebacama. ¹⁵ Er chë judiënga Bëngbe Bëtsá tojtsanëbaté ora, cha tojanma inye entsanga quem luarentše cháftaca tempcá tsabá chamotsatsmënama; y chënga cha chamojoyeuná ora, corente tsabá echántsemna, nya chënga mo obanënga cuabmëncá y cuaftsatayanëngcá. ¹⁶ Nda canye arninýentsana chë natsana tandëse Bëngbe Bëtsabiamá josérviamá yojtsemna ca tojayanëse, jtsemnana mo nyetsana chabiamá cuaftsemncá. Canye betiyentsá tbëtëjënga Bëngbe Bëtsabiamá yojtsemna ca canya tojayanëse, nyetsca chë betiyentsá buacuafjëngnaca Bëngbe Bëtsabiamá jtsemnana.

¹⁷ Chë judiënguentsë báseftanga Jesucristbeñe ndoñe montsanošbuaché ora, tsëngaftanga chë ndoñe judiënga šmonjanobená chábeñe jtsošbuáchiyana. Y chca, judiënga monjamna mo canye jena olivo betiyentsana entsanga tmojatëtše buacuafjëngcá, y tsëngaftangna mo tjoca olivo betiyentsá buacuafjënga, chë jena olivo betiyeshiñe jenëfjëngcá. Mora tsëngaftanga Bëngbe Bëtsábentsana cachca tsabe soyënga chë judiëngaftaca šmontsebmna, mo chë jena buacuafjënga y cachentsá buacuafjënga cach tbëtëjentsana lempe cuaftsoyëngacañcá. ¹⁸ Ndoñe šmattsenábotamnaye, tsëngaftanga Bëngbe Bëtsabe tsabe soyënga šmojtsebmnama, chë Jesucristbeñe

ndoñe montsanošbuaché judiëngbiama yojamna soyënga. Smochtsejuabnaye, buacuafejngna chë tbëtëjëngayeca vida jtsebomnana, y ndoñe tbëtëjënga chë buacuafejngayeca; cachcá, tšëngaftanga nÿe Bëngbe Bëtsábeyeca chë tšabe soyënga šmojtsebomna.

¹⁹ Pero tšëngaftanga šmuatjayana: “Aíñe, pero Bëngbe Bëtsá básefta judiënga tojanëbaté, Jesucristbeñe ndoñe montsanošbuaché causa; chíyeca bënga fsënjanobená mo buacuafejnga betiyiñe jenëfjëngcá chca tšabe bendicionënga Bëngbe Bëtsábentšana jóyëngacñana ca.” ²⁰ Ndegombre, chënga Jesucristbeñe ndoñe montsanošbuaché causa, mo buacuetëtšëñfjëngcá tmonjanoquedá, pero Jesucristbeñe šmojtsošbuáchema, tšëngaftanga šmojoquedá Bëngbe Bëtsábentšana tšabe bendicionënga jtsoyëngacñacá. Chcasna, chama ndoñe šmattsenábotamnaye; más tšabana cuedado jtsebomnana. ²¹ Er Bëngbe Bëtsá, chë Jesucristbeñe ndoñe montsanošbuaché judiënga, ndoñe tonjanaperdoná, y chënga chabe entšanga bétsemnamna, monjamna mo cach betiyentša buacuafejngcá; tšëngaftanga, chë mo betiyiñe jena buacuafejngcá šmomnënga, cha cach ndoñe quecmochátaperdonaye, chábeñe ošbuáchiyana šmojtsajbanase.

²² Bëtscá šmochtsejuabnaye Bëngbe Bëtsá puerta tšabia yomnama, pero cha tšatjayá yomnámna šmochtsejuabnaye; tšatjayá endmëna chë bacna soyënga tmojtsamëngaftaca, pero tšëngaftangaftacna puerta tšabia. Cha tšëngaftangaftaca chca echántsemna, tšëngaftanga

chca chašmojtsomerecénëntscuana; pero ndóñesna, Bëngbe Bëtsá echanjama tšëngaftán gnaca mo buacuetëtsenëfjëngcá chašmoquedama, chë tšabe bendicionënga Bëngbe Bëtsábentšana ntsoyëngacañcá. ²³ Y ntšamo mora imojtsejuabnacá chë judiënga tmojatrocá y tmojontšé Jesucrístbeñe jtsošbuáchiyana, chëngnaca cachiñe chë tšabe bendicionënga Bëngbe Bëtsábentšana mochanjójyëngacñe, y mochántsemna mo betiyiñe jena buacuafjëngcá, er Bëngbe Bëtsá becá obenana endbomna jamama ntšamo chë judiënga tempo imo janbomncá cachiñe chamotsatsbomnama. ²⁴ Chcasna, más paselo jtsemnana canye jena olivo betiyentša buacuatëtsenëfja cach betiyiñe jëtsjena, y ndoñe, chë tjoca olivos betiyentša buacuafja canye jena olivos betiyiñe chaójuama jájena. Cachcá, más paselo jtsemnana chë Jesucrístbeñe ndoñe montsošbuaché judiëngbiama, jóntšana jtošbuáchiyana y tšabe bendicionënga Bëngbe Bëtsábentšana jójyëngacñana, tšëngaftanga ndoñe judiënga chë tempo Bëngbe Bëtsá ndoñe šmonjanábuatmëngbiama.

Bëngbe Bëtsá nyetscángaftaca puerta tšabia endmëna

²⁵ Jesucrístbeyeca catšátanga, atše sëntseboše tšëngaftanga chašmotsetátšëmbo chë tempo Bëngbe Bëtsá entšanga ndoñe tonjaninyanýe soyëngama. Atše sëntseboše tšëngaftanga quem soyëngama chašmotsetátšëmbo, chca, tšëngaftanga ndoñe judiënga chë judiëngbiama más uámanënga šmomna ca ndoñe chašmondëtsejuabnama. Ndayá Bëngbe Bëtsá tempo entšanga ndoñe

tonjaninyänyecá, quem soye endmëna: Bëngbe Bëtsá tojalesenciá, nÿe baseftatescama banga Israeloquënga Bëngbe Bëtsabe soyënga ainaniñe ndoñe chamondóyëngacñama; pero chca echántsemna, chë ndoñe judiënguëntse atsebácanënga jtsamnama imomnënga, atsebácanënga chamojtsemnëntscuana. ²⁶ Chca chaojopasá ora, nÿetsca Israelentša entsanga atsebácanënga mochántsemna; ntšamo Bëngbe Bëtsabe uabemana palabrënguiñe endayancá:

Entšangbe atsebacayá Israelocana echanjabo, y echanjama nÿetsca Jacóbëbentsana entsanga ndoñe más vida chamondëtsebomna, bacna soyënga jtsamëse ca.

²⁷ Y mëntsá endmëna ntšamo chëngbiamá ch-jašebuachená:

chënga játsebacana, chëngbe bacna soyëngama chajaperdónaye ora ca —chiñe endayana.

²⁸ Chë tšabe noticiënga tmojtsanaboté causa, judiënga Bëngbe Bëtsabe uayayënga mondmëna, chca, tšëngaftangbe tšabiamá chaotsemnama. Pero Bëngbe Bëtsá tojánabacacayeca, chëngnaca Bëngbe Bëtsabe bonshánënga mondmëna, er Bëngbe Bëtsá chëngbe tempsca uámana bëts taitanga chca tojanašebuachená. ²⁹ Chca endmëna, er Bëngbe Bëtsá ndocna te juabna ntjatrócana; nÿetscanga chabe entsanga chamotsemnama tojáchembënga, nÿets tempo cha echántsababuanÿeshana, y echanjama chëngbeñe tšabe bendicionënga chaotsemnama. ³⁰ Tšëngaftanga ndoñe judiënga tempo ndoñe šmonjánama ntšamo Bëngbe Bëtsá inabošcá; y mora, Bëngbe Bëtsá tmojalastemá,

judiënga Bëngbe Bëtsá ndoñe tmonjoyeuná causa. ³¹ Cachcá, Bëngbe Bëtsá tsëngaftanga tcmojálastemama, judiënga montsemna chë Bëngbe Bëtsá ndoñe montsobedecénënga, chca, Bëngbe Bëtsá chëngnaca cháualastemama. ³² Er Bëngbe Bëtsá tojinÿanyé, cha ndoñe ntjoyeunayama juabnëngaca nyëtscanga mandánënga imomnama, chca, nyëtscanga jálastemama cha jobenayama.

³³ ¡Ndegombre, Bëngbe Bëtsá nyëtscangbiamama puerte tsabia endmëna, puerte osertaná y puerte obiashjachá! Ndocná quenátobena ínÿenga jábuayenama ndayá Bëngbe Bëtsá jamama inetsejuabnaycá, y ndocná quenátobena corente josértana ntšamo cha inetsamcá. ³⁴ Ntšamo Bëngbe Bëtsabe uabemana palabrenguiñe endayancá: Ndocná quenátstatšëmbo ntšamo Bëngbe Bëtsá inetsejuabnaycá; ndocná quenátobena cha jábuayenama ndayá jamana ibomnama.

³⁵ Ndocná quenátobena ndayánaca cha natsana jshatšetayana, chë tbojatšetabiamama ndebená cha jatsmënama, y chë ndebénama ndayánaca jtoiyiyama chabotsemnama ca.

³⁶ Er lempe cha tojama, lempe cha iútabna, y lempe chabiamama yomna. ¡Nyëtscanga nyëtsca tescama cha chamotsatschuaná! Chca chaotsemna.

12

Ntšamo jtsiyenëse Bëngbe Bëtsá jtseservénama

¹ Chcasna, Jesucristbeyeca catšátanga, Bëngbe Bëtsá bënga ba soye šojalastemáyeca, puerte

cbontsaimpadana, tšëngaftanga Bëngbe Bëtsá chašmëyana tša šmojtseboše lempe jamana chábioye jadórama ca, Bëngbe Bëtsá jadórama mo ndayá cuafjobacá y cuafjuatšëmbonca, mo cabá ainá cuafsomñca. Smochjauyana tšëngaftanga sempre šmochtsentšena cha servénana y jtsamëse cha tšabá bëngaftaca chaotsemnama. As, chca chašmojtsama ora, ndegombre oyejuayá Bëngbe Bëtsá šmochántsebiamnaye. ² Ndoñe šmattsiyena jtsamëse ntšamo chë nyë quem luarama enójuabnaye entšanga monduamancá, y smochjaleséncia Bëngbe Bëtsá mo tsëm entšangcá chácmbiamama, tšëngaftangbe ainana y juabna mo tsëmcá chaomëse. Chca, tšëngaftanga smochanjobenaye jtsejuabnayana y smochántsetatšëmbo ntšamo Bëngbe Bëtsá yobošca: ndayá tšabá yomna, chë ndayá cha oyejuayá ibnabema, y ndayá ya ndoñe yondopodena más tšabá jtsemnama.

³ Ndayá Bëngbe Bëtsá atšbiana tšabá jtsejuabnayëse šojatšetama, nyetsca tšëngaftanga chochjáuyana, ndocná cachabiana chaondëtsejuabná más uamaná yomna ca, nyë ntsachetšá jtsenójuabnayana ibomna nyetšá. Más tšabá, cada ona cachabiana tšabá chaotsenajuabná, y chca chaotsenajuabná ntšamo chabe ošbuáchiyana yomncá, chca, chë Bëngbe Bëtsá tbojatšetá ošbuáchiyana chabiana chaotsetrabájama. ⁴ Er, ntšamo bënga cada ona mondbomna canye cuerpo y chë cuerpiñe ba soyënga jtsebmomnana, y nyetsca soyënga ndoñe cach soyama cuerpiñe ntso servénana, ⁵ cachcá bënga ošbuáchiyënga, masque bëtscanga imomna,

Crístoftaca cánÿiñe mo canÿacá mondménayeca, bēnga mondmēna mo chabe cuerpo cuaftsemncá, y cada ona cánÿiñe mo canÿacá nÿetscángaftaca.

⁶ Bēngbe Bētsá tojama bēnga cada ona chamotsebomnama ndoñe cachca chabe tšetana obenana, ntšamo Bēngbe Bētsá cada ona bēngbe tšabiana inajuabnycá. Y chabe juábnaca bēnga jtsóyebuambnayama jtsobenama Bēngbe Bētsá tojamēse, chca mochtsama ntsachetšá chábeñe bēngbe ošbuáchiyana yomncá. ⁷ Ošbuáchiyēnga bētsá jaserviama bēnga chamotsobenama Bēngbe Bētsá tojamēse, chca mochtsama. Tšabá jtsabuátambayama bēnga chamotsobenama Bēngbe Bētsá tojamēse, chca mochtsama. ⁸ Inÿenga jañémuama bēnga chamotsobenama Bēngbe Bētsá tojamēse, chca šontsamna. Lempe ntšamo bēnga tmobomncá inÿengbiámnaca chaotsemnana bēnga jamama chamotsobenama Bēngbe Bētsá tojamēse, nÿets ainánaca chca šontsamna. Amēndayēnga jtsemnana bēnga chamotsobenama Bēngbe Bētsá tojamēse, šontsamna bētsá jamana tšabá jtsamēndayama. Inÿenga jálastemama bēnga chamotsobenama Bēngbe Bētsá tojamēse, šontsamna oyejuayēnga chca jamana.

Ntšamo bēnga Jesucrístbeñe ošbuáchiyēnga jtsamana šojtsamna

⁹ Inÿa chašmojtsebobonshana ora, nÿets ainánaca chca šmochtsama. Ndayá yomna ndoñe tšabe soye šmochtsaboté y chentšana šmochtsojuánañe; šmochtsentšena ntšamo tšabá yomncá jtsamama. ¹⁰ Cmontsamna nÿetscanga puerte jtsenbobonshánana, Jesucrístbeyeca

catšátanga quetsomñecá, chë ínÿenga bēngbiana más uámanēnga imomna ca jtsejuabnayēse.

¹¹ Ndoñe oyēñjayēnga šmattsemna, ndayá bētscá Bēngbe Utabnabiana šmochtsetrabájaye; ainaniñe corente añemo jtsebomñese, Bēngbe Utabná sempre šmochtseservena.

¹² Tšēngaftanga Bēngbe Bētsábeñe jtsošbuáchiyēse, chábeñe šmobatmánayeca, puerte oyejuayēnga šmochtsemna; padecena soyēnguiñe chašmojtsachñjuana ora, puerte uantadēnga šmochtsemna, y siempre Bēngbe Bētsáftaca šmochtsencuéntaye.

¹³ Bēngbe Bētsabe entšanga opresido bomñēnga šmochjújabuache, y šmochtseprontana tšēngaftangbe yebnentše posada ínÿenga júyentšamiana.

¹⁴ Bēngbe Bētsá šmochtseimpadana, chë tšēngaftanga chašmosufrima amēngbiana tšabe bendicionēnga cha chaotsamama; aíñe, cha šmochjaimpáda tšabe bendicionēnga chēngbiana chaotsamama, bacna soyēnga ndoñe.

¹⁵ Oyejuayēnga ínÿengaftaca šmochtsemna, chēnga oyejuayēnga chamojtsemna ora; ngménaca šmochtsemna, ínÿenga ngméniñe chamojtsemna ora.

¹⁶ Smochtsiyena nÿetscanga jtsenēyeunanēse. Nÿe cach tšēngaftanga uámanēnga ndoñe šmattsenobiamnaye, sinó chë nduámanēnga imomñēngaftaca tšabá mándbomñēnga šmochtsemna. Ndoñe šmattsejuabnaye yapa osertánēnga šmomna ca.

¹⁷ Inÿenga bacá chacmojtsaborlana ora, ndoñe šmattsatēchénanguaye; corente šmochtsentšena

ntšamo nÿetsca entsangbiana tšabá yomncá jtsamama. ¹⁸ Ntsachetsá šmojobenacá, lempe šmochtsama natjēmbana nÿetsca entsāngaftaca jtsiyenama. ¹⁹ Atšbe bonshánēnga, ínÿenga bacá chacmojtsaborlana ora, ndoñe šmatjama chēnga chē causa chamotsesufrínama, ndayá Bēngbe Bētsá šmochjaleséncia chēnga cháuacastigama; er Bēngbe Bētsabe uabemana palabrēnguiñe cha tojánayana: “Atše chanjama chēnga chamosufrima, ínÿenga chamosufrima tmojama causa; y chēnga chanjácastigaye, ínÿengbioye bacá tmojaborlá causa ca.” ²⁰ Chca játamamna, mēntšá šmochjama, ntšamo cachánaca tojanayancá:

Acbe uayayá tbojtseshēntsanēse, saná cochjacaredáda, y tbojtsajuendase, cochjuáfsiye.

Chca chacojamēse, cochanjama cha puerte chaotsēuatja ntšamo tmojaborlama, y ainana corente chabotsetšena, mo chebana iñbenga chabe bestšašiñe cuafjacjacá ca.

²¹ Ndoñe šmatjaleséncia, ntšamo ndoñe tšabá tontsemncá tšēngaftanga chacmayēñjanama. Chamna, ntšamo tšabá yomncá jtsamēse, chē ndoñe tšabe soye šmochjayēñjaná.

13

¹ Nÿetsca entsānga entsamna jtsamana ntšamo chē amēndayēnga tmojtsamēndacá, er ndocná obenana ntsebomnana, Bēngbe Bētsá ndoñe chca tbonjalesenciase, y nÿe Bēngbe Bētsá tojama amēndayēnga obenana chamotsebomnana. ² Chca, chē amēndayēngbe contra tmojtsemnēngna, ntšamo chaotsemnana

Běngbe Bětsá tojayancá contra chěnga jtsemnana; y chca contra tmojtsemněngna, castigáněnga mochántsemna; ³ er ntšamo tšabá yomncá aměnga, ndoñe quenátamna ndayama chě aměndayěnga jatebėuatjana, nje chě bacna soye aměngna aífne. Tšěngaftanga šmojtseboše jtšiyenama chě aměndayěngbioye ntjatebėuatjčá; chcasna, ntšamo tšabá yomncá šmochtsama, y chě aměndayěngna tšabe bomínjěca mochantsonjaye ntšamo chašmojtsamčá; ⁴ er chě aměndayěngna Běngbe Bětsabe trabajo aměnga mondměna, tšěngaftangbe tšabiana. Pero bacna soyěnga šmojtsaměsna, cmontsamna jtšiyenana chě aměndayěnga jtsebėuatjěse, er chěnga jacastígama obenana mondbomna, y chca mondbětsama. Chěnga, Běngbe Bětsabe mándoca jayanana chě bacna soye aměnga ndoñe tšabá tmonjama ca, y jamana chěnga chamosufrima. ⁵ Chíyeca, jtseytana ntšamo chě aměndayěnga tmojtsichamčá jtsamana, pero ndoñe nje chě castigo ndoñe chašmondětsebomnama, ndoñe chca šmotsama causa, sinó chě ainanentša tšabe juabněnga ntšamo tbojtsětsětsnacá joyeunayama yómnayeca. ⁶ Cachca soyěngama, aměndayěngbiama impuesto tšěngaftanga jtsatsquécjnayana; er chě aměndayěnga Běngbe Bětsabe oservěngna mondměna, ntšamo chiñe jtsamama tojtsamncá corente tmojtsentšena ora.

⁷ Chcasna, tšěngaftanga šmochjáyentsbuachiye ntšamo chěnga jtsebomnama tojtsamncá. Chě crocénana entšanga ayěngacayěngbioye, ndaye impuéstnaca šmochtěbuénaye; chěngna

šmochtsarrespetana ntšamo yomncá, y chënga uámanënga chamotsemnana šmochtsejuabnaye.

8 Crocénana inýa jëtsëntšabuáchiyama chacmojtsamnëse, nýe ntoyiycá ndoñe šmatjoquéda, nýets tempo ndebénënga; nýe quem soye sempre šmochtsama: nýetscanga šmochtsenbobonshana; er nda ndëmua entšábioye tbojtsebobonshana, ya tojama ntšamo leyiñe yomandancá. 9 Quem mandënga, “acbe shema ínýaftaca ndoñe cattseíngñaye, inýa ndoñe catjóba, ndoñe catjatbëba, inýa tojtsebomna soye ndoñe nýe acbiama cattseboše”, y chë inýe mandënga leyiñe lempe quem mandiñe entsemna: “Ndëmua entšánaca cochtsebobonshana ntšamo cachaca cuenobobonshancá”. 10 Nda ndëmua entšábioye tbojtsebobonshana, chábioye ndoñe bacá ntjabórlana; chca, ndánaca jtsebobonshánëse, entšá jamana lempe ntšamo leyiñe yomandancá.

11 Chë soyënga cmontsamna jtsamana, er bënga mondétatšëmbo ya chë uámana tempiñe imojtsiyenama, chë mocna ora šojtsamna prontánënga jtsemnana, mo ocnayentšana cuaftjofšenangcá, Jesucristo jasérviamajtsentšénëse. Chca cmontsamna jamana, er chë Bëngbe Bëtsá bënga játsebacama te, mora ya más bécoñe entsemna, ntšamo chë Jesucristbeñe jtsošbuáchiyama tmonjanontšé ora enjamnama.

12 Mora bënga mondoyena canýe luarentše bëtscá bacna soyëngaca y ngmenánaca, y chca jtsemnana mo bënga nýets tempo ibetiñe cuaftsajncá. Pero ya entsobeco chë Bëngbe Bëtsá bënga játsebacama te, mo chë ibetiñe ya jtsoPOCHÓCAMA y binýniñe ya jontšamcá. Chíyeca mochtsajbaná

bacna soyënga amana, y mochtsiyena tšabe soyënga jtsamëse, Satanás játsjama y jáyëñjanama bënga jtseprontánëse, mo canÿe soldado jenéuyanama y inÿa jáyëñjanama ba soyënga tojenocjacá. ¹³ Ntšamo šojtsamncá mochtsiyena, ntšamo entšanga ndaye tšabe sóynaca jamama monduamancá, ínÿengbiamama lempe chaotsinÿnëse. Chcasna, ndoñe quešnátamna yapa tmoyënga ntsemnana, ndoñe fiestënguenache ndoñe tšabe soyënga ntsamana, ndoñe bacna soye boyabása o shembásaftaca ntsamana y jenomándama ntsobencá chca soyënga ndoñe ntsamana, nÿetscanga ndoñe cachcá ntsejuabnayama ndoñe ntsamana y ndoñe ínÿenga yapa ntsiyentšbuašana. ¹⁴ Chca játamamna, šmochtsiyena jtsamëse ntšamo Bëngbe Utabná Jesucristo endbetsamcá, y ndoñe nÿe šmatjésejuabnaye jtsamana nÿe cach tšëngaftanga tšabá jtsomñama juabnëngaca, ndayá tšëngaftanga chašmotsamama chë juabnënguiñe tojtsemncá.

14

Ndoñe šmattsóyebuambnaye inÿe ošbuáchiyëngbe contra

¹ Chë Jesucristbeñe nÿe batšatema ošbuáchiyënga tšabá šmochjúbuaja, y chëngaftaca ndoñe šmattsenatsëtsnaye ndayá aíñe o ndoñe jamana yontsamnama. ² Er básefta ošbuáchiyënga corente imotátšëmbo chënga nÿe ndayánaca jasama imobenama, pero chë Jesucristbeñe nÿe batšatema ošbuáchiyëngna, ndocna mëntšena ntseyayana, er chënga jtsejuabnayana aíñe jasana canÿe bacna soye nántsemna ca. ³ Chë nÿetsca saná sayënga

ndoñe chamondětsejuabná chë inÿe soyënga ndoñe mondëtseyëngbiana, chë causa chënga más batšá uámanënga ímomna ca; y chë ndaye soyënga ndoñe mondëtseyëngna, chë nÿetsca saná sayëngbe contra ndoñe chamondëtsoyebuambná, er Bëngbe Bëtsá chënga tojúbuaja mo chabe entšangcá. ⁴ Tšëngaftanga ndoñe quecmátamna chë ínÿabe oservená ndoñe tšabá tonjama ca jatichámuana. Cachabe nduiño jtsemnana nda yochjayana cha tšabá o ndoñe tšabá tonjamama. Y chë oservená jamana ntšamo tbojtsemncá, er Bëngbe Utabná obenana endbomna cha chca chaotsamama.

⁵ Báseftanga mondmëna, chënga jtsejuabnayana canÿe te inÿe tescama más uámana te yomna ca; pero ínÿengna jtsejuabnayana cada te cachcá íuámana ca. Y entsemna ndayá cada ona corente tšabá chaotsetátšëmbo, ntšamo yujuabnacá ndáyeca chca ca. ⁶ Nda tojtsejuabná canÿe te inÿe tescama más uámana te yomna ca, chca jamana Bëngbe Utabnábiama jtenójuaboyama. Y nda nÿetsca saná tojtsesá, chca jamana Bëngbe Utabnábiama jtenójuaboyama, er cha Bëngbe Bëtsábioye chë sanama jëtschuayana; y nda tojtsejuabná sananga yomna y ošbuáchiyënga chcana chamotsesama Bëngbe Bëtsá ndoñe yondboše ca, cha chë soyënga ndoñe ntjasana, Bëngbe Utabnabiama jtenójuaboyama, y chánaca Bëngbe Bëtsábioye chë sanama jëtschuayana.

⁷ Bënga ošbuáchiyënguentsana ndocná ainá ntsemnana nÿe cachabiama, ni jóbanana nÿe cachabiama. ⁸ Bënga tmojtsiyenëse, Bëngbe Utabnabiama jtsiyenana; y tmojóbanësna, Bëngbe Utabnabiama jóbanana. Chca, masque

ainënga o obanënga, bënga Bëngbe Utabnábenga jtsemnana. ⁹ Chama Cristo tojanóbana y Bëngbe Bëtsá tojanma cha cháuatayenama, cha Bëngbe Utabná chaotsemnana, ainéngbeñe y chë ya tmojóbanëngbeñe chaotsemándama.

¹⁰ As, ¿ndáyeca tšëngaftanguentšë báseftanga, catšátangbe contra jtsóyebuambnayana, ndayá chënga tmojtsamama? ¿Y ndáyeca ínÿenga tšëngaftanguentšë jtsichámuana, catšátanga ndoñe uámanënga montsemna ca, ndayá chënga tmojtsamama? Er nÿetscanga šontsamna Bëngbe Bëtsabe delante jashjanguana, ntšamo cada ona tojëftsemcá tšabá o ndoñe tšabá bëtsemnana cha cháuyanama. ¹¹ Er Bëngbe Bëtsabe uabemana palabrénguiñe Bëngbe Utabná mëntšá tojánayana:

Ndegombre atšë ainá sëndëtsomñe, y chíyeca atšë
 šcojurá,
 nÿetscanga atšbe delante mochanjoshëntsaméntša
 atšë jadórama,
 y nÿetscanga šmochanjauyana, “ndegombre aca
 Bëngbe Bëtsá condmëna ca”.

¹² Chcasna, cada ona bënga šontsamna Bëngbe Bëtsá jauyanana ntšamo tmojamama ndáyeca chca ca.

Ndoñe šmatjama inÿe ošbuáchiyënga bacna benachiñe chamótsatšama

¹³ Chíyeca, ya ndoñe quešnátamna ínÿengbe contra jtsóyebuambnayana. Chca játamamna, šmochtsejuabnaye y yejuana šmochtsantješna ndocna te tondaye ntjamana, ndayá chaoma Jesucrístbeyeca acbe catšata, chaojuabó y bacna soyënga chaoma. ¹⁴ Atšë sëndëtatsëmbo, mo

canÿa Bëngbe Utabnáftaca cánÿiñe mo canÿacá quetsomñecá, ndocna soye yondmëna, nÿe cachabe ponto chaotsemna ndoñe tšabe soye. Pero canÿe entšá tojtsejuabná ndayánaca ndoñe tšabe soye yondmëna ca, ni jasama, ni jabojuama, chabiama cocayé chë soye nÿets tempo jëftsemnana ndoñe tšabe soye.

¹⁵ Tšëngaftanga inÿa becá šmojtsatsëtná, inÿe soyënga tšabá endmëna jasama ca, y cha tojtsejuabná, chca soyënga jasama ndoñe tšabá yondmëna ca, pero tšëngaftanga tša šmojtsatsá causa, cha chca soyënga tojase, y chentšana tbojtsebiona puerte bacna soye tojamama, chca, tšëngaftanga jtsinÿanÿayana ndoñe šmondoyena jtsamëse chë inÿenga jtsababuánÿeshanëse. Nÿe tšëngaftanga inÿe soyënga šmétsesayama ndoñe šmatjaleséncia chë soye chaoma inÿa, ndabiama Cristo tojanóbana, chë ndoñe ndegombre benachiñe chaoquedama.

¹⁶ Ndoñe šmatjaleséncia ndayá tšëngaftanga tšabá šmétsamama, inÿenga ndoñe tšabá tšëngaftangbiama chamotsóyebuambnama. Chca šmochanjobenaye, ntšamo šmojtsamcá jtsajbanase, inÿenga ndoñe tšabá tmontsoyebuambná ora. ¹⁷ Bëngbe Bëtsabe amëndayana bëngbeñe ndoñe quenátsmëna inÿe soyënga aíñe jasana o inÿe soyënga ndoñe, canÿe soye aíñe jofšiyana o inÿe soye ndoñe. Pero chabe amëndayana bëngbeñe aíñe endmëna jtsamana soyënga ndayama Bëngbe Bëtsá tojayana aíñe tšabá jamama yomna ca, cháftaca tempcá tšabá jtsatsmënana y ainaniñe oyejuayana jtsebomnana; y Uámana Espíritbeyeca bënga

jobenayana chca jamana. ¹⁸ Y nda Crístbioye chca tbojtseserverna, jamana Bëngbe Bëtsá cháftaca oyejuayá chaotsemnama, y entsangbe bominyiñe tšabia jtsemnama.

¹⁹ Sempre šontsamna tšabe soyënga jtsamana y chë soyëngaca chaopodé jamana nyetscanga natjëmbana chamotsiyenama, y ndaye sóynaca šmochtsama, ndayá inyënga chaújabuache Jesucrístbeñe corente jtsošbuáchiyama y ainaniñe bëtscá añemo jtsebmnama. ²⁰ Tšëngaftanga ndaye sanánaca jasama šmobénayeca, ndoñe šmatjama chaotsopochocama ndayá Bëngbe Bëtsá ainaniñe tojamcá. Ndegombre, nyetsca sananga tšabá jasama endmëna; pero ndayá tšëngaftanga šmojasama, inya bacna benachiñe chaótsatšama šmojamëse, chë soye cocayé ndoñe tšabá ntsemnana. ²¹ Tšabá endmëna mëntšena ndoñe ntjasana, vïnoye ndoñe ntjofšiyana o ndayánaca ndoñe ntjamana, pero chë soye aiñe tcojama ora, Jesucrístbeyeca canye catšata chaojuaboma y bacna soye chaomama tojoservese.

²² Asna, ntšamo tšëngaftanga chë soyëngama ndegombre šmošbuachecá, nye Bëngbe Bëtsá y tšëngaftangaftaca chaotsemna. Canye entšá ndegombre oyejuayá jtsemnana, canye soye jamama tšabá yomna ca tojtsejuabnase, y chë soye tojamentšana, ndoñe tšabá chca yonjamna ca juabnënga ainaniñe ndoñe tontsebmñese.

²³ Pero canye entšá ndayá tojamentšana tojayana, bacna soye tojama ca chë ndayá tojasama o tojamama, as Bëngbe Bëtsánaca echanjayana cha ndoñe tšabá tonjama ca, er ntšamo tojamcá ndoñe tonjama chë soye aiñe tšabá yomnama

jtsošbuáchiyëse; y ndayánaca chca ora tojtsamëse, chca jamana bacna soye jtsemnana.

15

Ntšamo ínÿengbiama tšabá tojtsemncá mocht-sama, ndoñe nÿe bēngbiama

¹ Bēnga, chē Jesucristbeñe corente ošbuáchiyēnga, šontsamna chē nÿe batšatema ošbuáchiyēnga jujabuáchana, chēnga bacna soyēnga tmojtsama ora, nÿe batšá ošbuáchiyana bomna causa; y ndoñe nÿe jatsēnguayana nÿe ndaye soyēngaca yopodena bēnga tšabá jtsemnana. ² Cada ona bēnga šontsamna jamana ntšamo cach bēngcá Jesucristbeñe ošbuachiyabiama tšabá tojtsemncá, y ndayá cha oyejuayá chaotsemnana tojama soye. Chca šontsamna, cha más bētscá Jesucristbeñe chaotsošbuáchema, y ainaniñe más añemo chaotsebomnana. ³ Er Cristo, ntšamo tojanmcá cach ndoñe tonjanma nÿe cha oyejuayá jtsemnana. Inÿetšá, cháftaca tojanopasá ntšamo Bēngbe Bētsabe uabemana palabrēnguiñe endayancá, mo Cristo Bēngbe Bētsáftaca cuaftsoyebuambnacá: “Ntšamo entšanga montsichamcá aca joyenguanguama, atše šmontsatsētsná ca.” ⁴ Er lempe ntšamo tempo Bēngbe Bētsabe uabemana palabrēnguiñe tmojanabemcá, bēnga jabuátambama endmēna. Ndayá bēnga chiñe tmojuatsjínÿama, bēnga jt-sobenana padecena soyēnguiñe tmojtsachnējuana ora uantadēnga jtsemnana, y ainaniñe más añemo jtsebomnana; y chíyeca bēnga montsobena, chábeñe jtsošbuáchiyëse, chábeñe

jobátmana, ntšamo tojanayancá chaomama.
⁵ Atše, Běngbe Bětsá sěntseimpadana, nda inétsama běnga padecena soyěnguiñe uantaděnga chamotsemnana, y nda inétsama běnga ainaniñe más añemo chamotsebomnana, cha chaoma n̄yetscanga can̄ye juabna chašmotsebomnana, ntšamo Cristo Jesús yojanjuabnacá tšěngaftanga jtsejuabnayese; ⁶ cha chca chaoma, n̄yetsca tšěngaftanga mo cán̄yiñe cuaftsemncá, y mo n̄yetscanga can̄ye ora cuafjayancá, Běngbe Bětsá, Běngbe Utabná Jesucristbe Taitá, puerte bětsá y uamaná yomnana chašmuin̄yan̄yema.

Chě ndoñe judiěngbiámnaca chě tsabe noticiěnga jtsemnana

⁷ N̄yetscanga oyejuayěnga šmochjenofja, ntšamo Crístnaca tšěngaftanga tcmojaněbuajcá, chca, entšanga chamuin̄yan̄yé Běngbe Bětsá puerte bětsá y obená yomnana. ⁸ Atše sěntseboše ndayá jayanana, Cristo tojánabo judiěnga jabáserviama ca, chca, jin̄yan̄iyama Běngbe Bětsá sempre inétsamama ntšamo tojašebuachenacá; tojánabo ntšamo Běngbe Bětsá běngbe tempsca uámana běts taitanga tojanašebuachenacá chaocumplima; ⁹ y Běngbe Bětsá puerte bětsá yomna ca chě ndoñe judiěngnaca chamuayanámnaca, cha chěnga inétsalastemanama, ntšamo Běngbe Bětsabe uabemana palabrenguiñe endayancá, y chca tojanocumplí:

Chíyeca, atše chě ndoñe judiěngbeñe chaitsemna
 ora, aca cbochantsatschuanaye, Běngbe
 Bětsá;

y jacántase chanjayana aca puerte bêtsá y uamaná comna ca.

10 Inyoca mentsá endayana:

Puerte oyejuayënga chë ndoñe judiënga
šmochtsemna, Bëngbe Bëtsabe bocacana
entšángaftaca cányiñe ca.

11 Y ínycoca mentsá endayana:

Bëngbe Utabná šmochtsatschuanaye tšëngaftanga
ndoñe judiënga,
y cha šmochtsatschuanaye nyetsca tšëngaftanga
nyets luarënguenache entšanga ca.

12 Y Isaíasnaca Bëngbe Bëtsabe uabemana pal-
abrënguiñe mentsá tojanábema:

Canya Isaíbe entšanguentšana echanjabo,
y Bëngbe Bêtsá chábioye uamaná bochanjábema,
nyets luarënguenache entšanga chaot-
samëndama,
y chënga chábeñe jtsošbuáchiyëse, chábeñe
mochantsobátmana tšabe soyënga
chëngbiamama chaotsamama ca.

13 Atše, Bëngbe Bêtsá sëntseimpadana, nda
inétsama bënga chábeñe chamotsobátmanama
tšabe soyënga bëngbiamama chaomama, cha
chaoma tšëngaftanga ainaniñe puerte oyejuayënga
chašmotsemnama y ainaniñe tšabe ebionana
chašmotsebonnama, chábeñe jtsošbuáchiyëse;
y Bëngbe Bêtsá chca tšëngaftangbiamama
chaoma, tšëngaftanga cada te más chábeñe
chašmotsobátmanama, chë Uámana Espiritbe
obenánaca.

14 Jesucristbeyeca atšbe catsátanga, atše
corente sëndétatšëmbo tšëngaftanga puerte
tšábënga šmomnama, ndayá cmamnama

corente šmotatšëmbuama, y jtsenbuayiyayama šmobenámnaca. ¹⁵⁻¹⁶ Quem tsbuanáchañe básefta soyëngama sënjuábema, ntšamo šmatjátsjuabnayama atše ntjatauatjácá; chca sënjama, básefta soyëngama chašmuatenójuaboma; y chca sëntsobena juabemana, er Bëngbe Bëtsá tojama atše chaitsebomna chë uámana trabajo, Cristo jtseservénana, chë ndoñe judiënga jtsëjabuáchanëse. Atše bachnëcá sëntsoservena, Cristo stseservena ora, entšanga tšabe noticiëngama jtsabuayiyayëse; atše chca sëndama chë ndoñe judiënga Jesucristbeñe chamotsošbuáchema, y ndayánaca chamotsamama Bëngbe Bëtsá oyejuayá chëngaftaca chaotsemnama, mo chabiamana canyë uatšëmbonancá. Chcánaca atše sëndama, ndoñe judiënga ndegombre Bëngbe Bëtsábenga chamotsemnama, chë Uámana Espíritbeyeca.

¹⁷ Chca, atše Cristo Jesúsëftaca cányiñe mo canyácá quetsomñecá, ndegombre sëntsobena jtsejuabnayana ntšamo Cristo jaserviama atše sëndamcá, puerte uámana soye yomnama. ¹⁸ Atše añemo sëntsebomna nyë chë ndayá Cristo átšëftaca tojamama jóyebuambayama, ndoñe judiënga Bëngbe Bëtsá chamóyeunama. Chca tonjopasá, ndayá tijayanama y tijamama, ¹⁹ chë Bëngbe Bëtsabe obenana jinyan'yiyama bëts soyëngama, chë chabe obenánaca tojopasá tšabe soyëngama, y chë Uámana Espiritu bëts obenánaca tojama soyëngama. Y chca, Jerusalenocana jabojátšase, nyetsca luarënguëjana Iliria luaróntsoñe, Cristbe tšabe noticiëngama nyets luarënguenache entšanga tijabuayená. ²⁰ Atše

sempre canÿe soye inÿe soyëngama más sënjanboše, y enjamna chë tšabe noticiëngama jábuayenana, entšanga ndocna te Cristbiana oyebuambnayana tmonjanuena luarënguenache; y chca sënjanma, atše ndoñe játamama inÿa tojanbojatsé trabajo, mo ínÿabe bojatsena yebnentše jajebuama cuafjatontšecá. ²¹ Ntšamo Bëngbe Bëtsabe uabemana palabrënguiñe endayancá, chë tempo Cristbiana ndoñe tmonjanuenëngbiana:
 Chë ndëmuanyënga tempo ndocná chabiana tonjanabuayená, chënga tšabá mochanjinÿe ntšamo cha yomnana;
 y chë ndocna te chabiana tmonjouenënga, chabe soyëngama echanjósertaye ca.

Pablo yojanjuabná Roma bëts puebloye jama

²² Y nÿa chë causa, atše ndoñe chiyjobená tšëngaftangbioye jana tšëngaftanga jányama, masque ha soye tsjenojuabná choye jama. ²³ Pero mora atšbe trabajo quem luarënguiñe sënjapochocá y tempscana tšëngaftanga jányama tša sëndánbošeyeca, ²⁴ sëntsejuabná mora aíñe chjobenaye choye jama, tšëngaftanga jautsëtsayama, chëjana chaijachnëngo ora, España luaroye chaitsá ora. Y baseftayté tšëngaftangaftaca chjëftsemna, cbochjányama tšëngaftangaftaca oyejuayá; chentšana Diosmanda šmochjuájabuache, y lempe ntšamo chašojtsajabotcá šmochjátšetaye jobenayama Españoye ayana jtëtóntšama. ²⁵ Morna Jerusalenoye chanjá, choca entšanga Bëngbe Bëtsábenga imomnënga jaujabuáchama; ²⁶ er Jesucristbeñe ošbuáchiyënga Macedonia y Acaya luarentšënga, tmonjajuabó tšabá yojtsemna

crocénana jájuabana chë Jerusalemoca entsanga, Bëngbe Bëtsábenga imomnënga y ndbomnjémënga imomnënga jujabuáchama; y oyejuayënga chca tmonjama. ²⁷ Cachënga chca tmonjajuabó, y chca jamana tšabá endmëna, er judiënga tmonjanma, chë Bëngbe Bëtsábiocana tmojanóyëngacñe soyënga ndoñe judiëngnaca chamotsebomnama; chíyeca ndoñe judiënga entsamna chë Jerusalemoca judiënga ošbuáchiyënga jujabuáchana, ndaye soyënga jatšatayëse, chënga vida jtsebomnama chamotsobenama. ²⁸ Y chca, quem trabajo chaijapochocá ora, y chë ndoñe judiënga ošbuáchiyënga lempe tmojátbanana chaijáftsayentšbuachiye ora, chanjontsé Españaoye jama, y tšëngaftangbiajana chanjachnëngo tšëngaftanga jáftsanyama, tšëngaftangaftaca baseftayté jëftsemnama. ²⁹ Atše corente séntsetatšëmbo tšëngaftangbioye chaijá ora, chjášhango y chjama tšëngaftanga bëtscá tšabe bendicionënga Crístbentsana chašmotsebomnama, tondaye chacmondëtsabuáshebenëntscuana.

³⁰ Jesucrístbeyeca catšátanga, Bëngbe Utabná Jesucrístbeñe ošbuáchiyënga quetsomñecá, y bënga bonshánana chamotsebomnama chë Uámana Espíritu inétsamayeca, tšëngaftanga cbontsaimpadana, bëtscá chašmotsentšena Bëngbe Bëtsá nyets ainánaca jtseimpadánama, ntšamo atše sëndbetseimpadancá, cha atše chašotsinýenama. ³¹ Cha šmochtseimpadana chë Judea luaroca ndošbuáchiyënga ndocá chašmondëborlama, y chë Jerusalemocuënga Bëngbe Bëtsábenga, tšabá chamóyëngacñama ndayá chënga jujabuáchama chaijáftsayentšbuachiye

ora. ³² Y chentšana, y Bëngbe Bëtsá chca chaojábošenëse, atše chayobená bëtská oyejuayá tšëngaftangbioca jashjanguana tšëngaftanga jányama, y tšëngaftangaftaca chaitsemna ora, batšá jóchnama chayobená. ³³ Atše, Bëngbe Bëtsá sëntseimpadana, nda inétsama bënga ainaniñe tšabe ebionana chamotsebomnama, nyetsca tšëngaftangaftaca chaotsemnama. Chca chaotsemna.

16

Ubuátmënga jacheuayama

¹ Atše sëntseboše tšëngaftanga jáuyanana Febe, Jesucrístbeyeca bëngbe uabena, canye tšabe entšá endmënama; cha chë Cencrea puebloca enefjuana ošbuáchiyënga endújabuachana.

² Tšabá cha šmochjofja, mo canya Bëngbe Utabnábia quetsomñecá, ntšamo Bëngbe Bëtsabe entšanga entsamncá ínÿengaftaca jenofjana. Šmochjuájabuache ntšamo tbojtsajabotcá, er cha banga tonjúabuache; átšbioynaca.

³ Atšbe cuenta Prisca y Aquila šmochjácheuaye, chë átšeftaca tbonjatrabajata, Cristo Jesusbiana oservéniñe. ⁴ Jobanámnaca bonjanprontana, atše jatsbocama, ndoñe chašmondóbama. Atše chama chata sëntsatacheuaná; y ndoñe nye atše, sinó nyets luarenache enefjuana ndoñe judiënga ošbuachiyëgnaca chca. ⁵ Chë ošbuáchiyënga, chë Bëngbe Bëtsá jëtschuayama chatbe yebnentše jénefnama imuamanëgnaca, šmochjácheuaye. Atšbe bonshana Epeneto šmochjachuaye; cha endmëna chë natsaná

Asia luaroca Jesucristbeñe jtsošbuáchiyama. ⁶ María šmochjachuaye; cha tšëngaftangbeñe bëtscá tojatrabájá. ⁷ Chë cach atšcá judeocata Andrónico y Junias šmochjácheuaye. Chata canÿe ora átšeftaca cárceloye bonjanëtámëna, y Jesucristbe ichmónëngbiama chata puerte uámanata bonjamna, y atšbiama más natsana tbojanontšë Jesucristbeñe jtsošbuáchiyama.

⁸ Ampliato šmochjachuaye, atšbe bonshaná, er atšcá cha Bëngbe Utabnáftaca cánÿiñe mo canÿacá bondmëna. ⁹ Urbano šmochjachuaye, chë bëngaftaca Cristbiama oservéniñe trabajayá; y atšbe bonshana Estáquisnaca šmochjachuaye. ¹⁰ Apeles šmochjachuaye; cha ba soye tonjinÿanÿé Jesucristbeñe puerte yošbuáchema; y Aristóbulbe yebnentšëngnaca šmochjácheuaye. ¹¹ Chë cach atšcá judeocá Herodión šmochjachuaye, y chë Narcisbe pamillentšana Bëngbe Utabnábeñe ošbuachiyëngnaca. ¹² Trifena y Trifosa šmochjácheuaye; chata Bëngbe Utabnabiama puerte bondëtrabája; y bëngbe bonshaná Pérsidnaca šmochjachuaye; cha bëtscá endëtrabája, Bëngbe Utabnabiama oservéniñe. ¹³ Rufo, chë Bëngbe Utabnabiama uámana trabajayá, šmochjachuaye, y chabe mamánaca; cha mo atšbe mamacá endmëna. ¹⁴ Asíncrito, Flegonte, Hermes, Patrobas y Hermas šmochjácheuaye, y chë ínÿenga Jesucristbeñe ošbuáchiyënga chëngaftaca inménutanangnaca. ¹⁵ Filólogo y Julia, Nereo y chabe uabena, Olimpas y nÿetsca Bëngbe Bëtsabe entšanga chëngaftaca inménutanangnaca šmochjácheuaye.

16 Njetscanga mo Jesucrístbeyeca catšatangcá šmochjenchuaye, jtenámochëse, ntšamo cach tšëngaftangbe pamíllanga puerte bonshanánaca šmondbetsacheuanaycá. Njets luarenache ene-fjuana Crístbeñe ošbuáchiyënga cmontsacheuaná.

17 Jesucrístbeyeca catšátanga, atše cbont-saimpadana tšabá šmochjuáfšna y cuedado šmochtsebomna chë cányënga ínÿengaftaca contra chamotsemnama y ínÿënga Jesucrístbeñe ošbuáchiyana chamotsajbanama imnétsamëngbiama; chëngna, chë tšëngaftanga ndaye šmojóyëngacñe buatëmbana soyëngama contra jtsóyebuambnayana. 18 Er chca amënga, ndoñe ntsentšénana Cristo Bëngbe Utabná jtseservénana, sinó jtsamana ndayá cachënga tmojtsebošcá, nÿe cachëngbe cuerpama tšabá tojtsemncá; y tšabe y botamana palabrëngaca chë paselo jáingñama yomna entšanga jáingñana, chëngbe ainaniñe chëngcá chamotsejuabnama. 19 Njetsca entšanga tmojouena, chë Bëngbe Bëtsabe soyëngama ntšamo ínÿënga tcmojabuatambacá, tšëngaftanga corente šmnétsayaunanama, y chíyeca atše puerte oyejuayá tšëngaftangaftaca séntsemna. Atše séntseboše, tšëngaftanga tšabá chašmotsetátšëmbo jtsamana ntšamo tšabá yomncá, y ntšamo bacna soyënga jamamna chašmotsemna mo ndoñe cuaftsetatšëmbcá. 20 Y Bëngbe Bëtsá, nda inétsama bënga ainaniñe tšabe ebionana chamotsebomnama, ndoñe bën y echanjama tšëngaftanga Satanás chašmoyëñjanama, mo cha tšëngaftangbe cucuatšinë cuafjaboshjoncá.

Atše sěntseimpadana Běngbe Utabná Jesús, chaoma tšabe bendicioněnga tšěngaftangbeñe chaotsemnama.

²¹ Timoteo, chě átseftaca trabajayá, tšěngaftanga cmontsacheuaná; y Lucio, Jasón y Sosípater, cach atscá Judeoquěnga, chěngnaca tšěngaftanga cmontsacheuaná.

²² Atšnaca Tercio, chě Páblěbe cuenta quem tsbuanácha uabiamnayá, tšěngaftanga cbontsacheuaná, tšěngaftanga y átšnaca Běngbe Utabnáftaca cánýiñe mo canýacá quetsomñecá.

²³ Gayo cmontsacheuaná; atše Pablo chabe yebnentše posada sěntsebomna, y cha enduamana nýetsca chě muentša ošbuáchiyěnga tšabá júbuajana. Erasto, chě quem pueblentša crocénana bojanýá, tšěngaftanga cmontsacheuaná, y Jesucristbeyeca běngbe catšata Cuártěnaca.

²⁴ Atše, Běngbe Utabná Jesucristo sěntseimpadana, cha chaoma tšěngaftangbeñe tšabe bendicioněnga chaotsemnama. Chca chaotsemna.

Quem tsbuanácha juapochócama, Pablo Běngbe Bětsábioye tbojtanchuá

²⁵ Běnga sempre mochtsinýanýnaye Běngbe Bětsá puerta uamaná yomnama. Cha endobena jamama tšěngaftanga puerta chašmotsošbuáchema; y chca, cha echanjama ntšamo chě běnga fsěndabuayiyná tšabe noticiěnguiñe yomncá, ntšamo chě Jesucristbe buayenana soyěnga yomncá, y ntšamo chě Běngbe Bětsá šojinýanyě ndegombre soyěnga yomncá. Nýets tempo měntscoñama, Běngbe Bětsá chě soyěnga entšanga ndoñe tonjinýanyě, y chě causa chěnga chě

soye ndoñe ntsetatšëmbuana. ²⁶ Pero morna, ntšamo Bëngbe Bëtsabe juabna oyebuambnayënga tmojanabemcá, tojama bëtscá entšanga chë ndegombre soyëngama chamotsetatšëmbuama; Bëngbe Bëtsá, chë nÿets tempo vida bomná, tojanmandá entšanga nÿets luarënguenache chë ndegombre soyëngama chamotsetatšëmbuama, chënga chábeñe chamotsošbuáchema y ntšamo cha yobošcá chamotsamama.

²⁷ Nÿe canÿe Bëngbe Bëtsá endmëna, y cha nÿets osertánana endbomna. ¡Nÿetscanga chamotsinÿanÿná cha puerte bëtscá y uamaná yomnama, ndayá Jesucristo tojanmama! Chca chaotsemna.

Bëngbe Bëtsa Cabëngaftaca Entsoyebuambna New Testament in Camsá

copyright © 2009 Wycliffe Bible Translators, Inc.

Language: Camsá

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Camsá

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 11 Nov 2022 from source files
dated 29 Jan 2022
19104c0e-9046-5ff3-82fb-eb838c88dcf9